

光緒鎮海縣志

鎮海縣志卷二十四

人物傳五

國朝二

周國泰字振齋先世福建同安人祖勝康熙間從王師征臺灣屢立功以都司需次鎮海營因家焉國泰年十八輒思奮迅以光前緒遂入戎籍出洋捕盜以勇敢稱由把總官守備嘉慶九年遷温州游擊時蔡牽亂海上國泰從提督李長庚率師征剿屢戰皆捷洊升副將威名與諸大將王得祿邱良功並賊甚畏之十二年冬長庚陣亡國泰激勵所部誓滅蔡牽以雪國恥巡緝外洋殺賊益力明年陞福甯總兵卒與得祿良功會閩浙水師擊蔡牽船沈之

盡殲其衆擢授廈門提督尋以在洋剿賊右足受傷不良於行乞休歸卒國泰起自行伍性好讀書敬禮士大夫嫻文墨嘗作同里節婦包氏贊至今人猶傳誦之子周德沛

乍浦守備

聽思堂

孫大剛字劍凌年十八充鎮海水師營兵旋補定海營外委五遷至黃巖營游擊嘉慶元年閩浙洋盜方熾其渠魁曰蔡牽次則朱潰牽之艇百數十潰數十皆乘風潮往來飄忽無定

朝廷切責督撫提鎮務獲盜大剛率兵船巡洋遇則擊之驅臣以聞兩奉

上諭褒嘉四年補福建烽火門參將五年署閩安水師副

將旋升廣東順德內河副將署南澳鎮總兵閩浙總督王德以堪勝水師總兵聞有

旨引見未至升福建海壇鎮總兵遂入京謝

召見兩次

賜克食兩次大剛起行伍至節鎮大小數十戰禽盜魁無數所獲盜船七十餘艘大礮器械糧食稱是其在崇武洋面力戰傷於額傷於左股仍躍過賊船禽其魁十有八人斬首十級

聖書嘉獎焉方浙江提督李長庚之中礮而歿也軍氣大沮大剛策勵將士揚揚如平常十四年八月會同福建水師提督王得祿追蔡牽於浙遇之漁山麾眾直攻其所坐

船轉戰一晝夜至於黑水洋卒裂其舟蔡牽斃於海時朱
漬已前死海盜悉平先後敘功

上命照一等軍功例給之

賞戴花翎

賜翎管小刀搬指韭山之役以失蔡牽降參將護理海壇
鎮總兵踰年

上知大剛忠勇仍還其官道光元年卒於任年六十有八
俞越子鼎鰲字冠山武生入戎伍補鎮海營外委游升健
撰傳撰傳子鼎鰲字冠山武生入戎伍補鎮海營外委游升健
跳守備遷黃巖游擊升乍浦副將道光二十八年擢授福
建總兵嚴禁花會除飛鷺渡汛兵苛索行李之害尋以事
降參將越二年復原職署金門總兵乞休歸鼎鰲篤於友

誼官黃巖時同邑朱崑爲左營游擊病死值天暑鼎熬以已朝服殮之并送其柩回里人稱其厚德

采訪冊

孫懷邦字

承寵候選通判性孝母卒廬墓同治元年謀起義師討賊

事洩被害

浙江忠義錄

胡于鉉字啟名圻之子幼穎敏稍長卽能爲詩文兼好韜略乾隆五十一年中式武舉署定海營千總總兵李長庚見而奇之教以籌海事宜再遷至錢塘都司署定海游擊隨長庚出入重洋累有斬獲嘉慶八年授太湖營游擊尋移黃巖十一年升江蘇川沙參將旋升廣東春江協副將十三年提督錢夢虎檄赴環南擒盜五百餘人總督吳熊光奏入擢南澳鎮總兵南澳故與銅山對峙閩粵咽喉重

地也時海氛方熾大洋綿亙數千里綰海而縣者所在鼎沸于鉉親蹈洋險士卒無不用命遇盜卽捕先後殲斃洋匪數百獲盜艘無算會浙閩總督阿林保以八閩食貨半資臺灣今禁止商船攜帶鎗礮且不許製造大船商船遇盜販運阻滯宜如何籌劃流通詢之于鉉于鉉言自海盜充斥商船販運適齎寇糧是非計出萬全流通非易因具條款以上總督嘉之繼而百齡總督兩廣知于鉉才與商招撫之策未幾盜魁張保果率衆降餘以次投誠適百齡謝病去尙書松筠代其任于鉉上書請撤長山尾礮臺改瞭臺長山尾者嶺甚峻而無居民向設礮臺二駐兵防守無益松筠然其言竟撤之而改瞭臺十九年中蜚語爲粵

督蔣攸銛劾奏禠職歸逾二載卒年五十七

恭瀛撰墓表

孫枚

別有傳

倪起蛟字安瀾中乾隆五十九年武舉効力本省嘉慶九年補温州千總明年署黃巖守備會海盜蔡牽亂起蛟從提督李長庚往福建征剿適牽犯臺灣沈舟鹿耳門拒官軍起蛟同諸將力戰旣而牽奪門遁結粵盜朱潰入古鎮洋起蛟擊之於泉州張坑洋又擊之於金門返埕洋斬首七十三級殲其魁陳煥獲船三十二年復擊盜於定海之漁山追至披山外洋奪舟三斬首三十級獲其魁陳角劉永郭英俘餘盜九十七人是歲蔡牽滅起蛟調署玉環守備歲大稔饑民羣起圍廳署同知某急請用兵起蛟不可

曰是激之使亂也單騎慰撫之皆散走旋與同知條議荒
政事遂定十七年遷温州游擊二十四年擢江南吳淞參
將尋調川沙未幾擢京口副將道光元年署壽春鎮總兵
十二月授福建海壇鎮總兵嘗慮海中捕盜或妄誣良民
乃白總督請飭各州縣凡賈舶入海盡於篷上大書其郡
縣姓名由是賊蹤無所混而兵士亦不敢指商漁之良者
爲盜卒年五十八

徐時棟
撰墓碑

徐忠字谷齋由行伍洊升定海把總遷鎮海千總值

高宗南巡上官知其才派管隨從馬政兼理石門鎮營務
皆稱職多蒙

賞賜遷守備乾隆五十二年署黃巖左營游擊尋以捕盜

功補温州游擊署玉環參將調川沙去任日甌之軍民懷其德閉城泣畱而不得因立生祠祀之尋升太湖副將未幾粵東艇匪亂

朝廷以忠有將略擢授廣東瓊州總兵一日有艇匪數百艘駛至忠率舟師禦之老萬山外大戰勝之斬獲甚衆窮追餘寇至安南界而止巡撫張誠基書南粵長城匾額贈之子光瑞蔭生官山東沂州通判

采訪冊

吳奇貴狀貌英挺海上盜起以行伍隸提督李長庚部下出洋征剿屢有斬獲不數載游升至金門總兵而性剛與總督某不合奇貴擊奪盜艘盡以所得分賞部兵一日總督問曰賊船多積貨信乎奇貴曰然已賞戰士此非大府

所宜問也總督不悅會嘉慶元年夏巨盜蔡牽闖入臺灣
奇貴以颶風不能往援遂爲總督劾奏下福建按察使獄
數年後任閩督至上疏白其冤赦出以千總用復立功官

參將卒

采訪冊

華封字石巖父時選以孝行稱善醫病者皆不受值邑令
以仁慈旌其廬封幼業儒通經史能詩文後以試不利常
鬱鬱有投筆之歎適遊定海總兵譚某偉其貌招入戎伍
洊升定海千總屢署三營守備嘗奉使往北京口外採馬
或言此係美差囊橐必裕封曰朝廷戰馬豈容一匹瘦劣
且須加料喂養尙有何財可乾沒耶及逢閱驗之期凡封
所買馬果肥壯人咸信服時方修造戰艦及器械等營吏

進曰此皆年遠例當報銷將其朽者采飾作新而領項之
銀可吞蝕矣封閩之大怒卽革斥營吏親自督工監造船
械較昔爲固由是深爲總兵陳標與提督陳大用所器入
見必禮待之乾隆五十年遷黃巖守備會鎮標軍士多悍
愆總兵弓矢發知封才命署右營游擊封教軍士以禮讓
革私幫差使之弊遇汛防戍守均其勞逸按伍操練隊必
整肅復與同僚捐資卹養兵丁有死而貧者予以樽年老
告退則給以米闔營頌德五十二年擢補右營游擊值臺
灣林爽文亂有湖州協標兵二十六人解軍需赴閩船過
玉環之冠山洋遇盜被殺脫至玉環者三人同知楊超鋈
賄以銀屬其言在黃巖洋被劫適封有奉檄巡洋之責浙

撫道署鎮海營參將熊顯同台州知府勘問而超盞復賂熊顯封遂獲遣戍伊犁後盜被鄰境擒獲供某年劫害湖州兵實在玉環洋並非黃巖所轄之汛閩省移問而當事者以案已定竟寢其事久之封病卒於戍所封事親孝居官清廉勤慎兵餉一毫不苟歷仕多載室如懸磬每日饜滌妻許氏躬任之不用僕婦亦不私用一兵及謫死新疆人無不冤之云

聽思
堂稟

楊壇字廷慶生有至性七歲父病禱神求以身代及父歿哀毀如成人葬之日嚴寒雨雪赤腳走道上悲哭不輟觀者咸歎異之長而業儒應有司試不售遂束裝至京充宗人府供事以重修

玉牒館議敘得官補四川黃郛司巡檢調署廣元縣百丈關其時蜀中教匪蠡起塏乃募勇堵禦境內肅然嘉慶三年賊入通坪肆掠村墟塏率團勇遮截殺賊九人獲器械無算六月賊潛由寬灘渡河塏語守將張國才曰賊可乘其半渡以擊也從之淹斃者甚衆九月賊從石子窩犯羅漕等處塏同官軍擊之於黃洋堡多所斬馘獲三人奪大旗三餘賊喪膽而遁值經略額勒登保過廣元知其才檄令從征大營治事益勤未數月疾卒經略以其積勞疏聞於

朝 贈府知事入祀忠義祠給祭葬銀兩如例

采訪冊

柯介錫官乍浦營把總嘉慶八年三月從參將陳國棟出

洋攻盜國棟中飛礮死介錫鼓勇直前亦被賊戕事聞

賜卹祀昭忠祠

嘉興府志

劉成業由武舉入戎籍官至乍浦參將嘉慶十三年九月
追捕海賊蔡牽於盡山洋遇颶風船覆溺死蒙

恩賞賜祭葬銀蔭襲雲騎尉世職弟建業亦由武舉官黃

巖游擊署瑞安副將

采訪冊

鄭兆龍字借亮一字二泉歲貢生生有異稟博覽羣籍性
尤沈潛每閱一書多所評注悉中竅要爲制舉義原本經
史文筆奧衍絕倫學使賈光鼐嘗拔置第一竟蹟於省試
不得售嘗以詩就正於沈德潛侍郎極爲許可晚益治古
文有歐曾遺型時人多傳誦之同時朱滄鰲字甬川歲貢

生能詩尤湛深經術長於春秋云

蛟川續耆舊詩集

謝篋賢字仲諧緒恆曾孫廩貢生性孝父母歿俱哀毀逾禮以先世傳志多出黃宗羲吳偉業姜宸英諸人手親自繕寫彙成卷帙徧求名人題跋以表章先德其十四世從祖久失祀聞墓在南鄉長山橋徒步求之不得正徬徨間有老人見而謂之曰近村有稱邑寶謝公墓者未知是否遂導以往至則荆棘沒碑剔抉之果符焉由是每歲設薦未嘗或廢親友有告乏者亦酌予之絕不責償最喜購書四部外金石法帖皆所酷愛卒年四十三

陳焯撰墓志

弟炳賢

字季文諸生遇祭祀先期齋戒極其誠敬諱日則必祭罷流淚思親不已與篋賢最友愛篋賢循例捐訓導及分箸

時認爲私費炳賢不欲其獨償也發已田十畝歸之兄弟皆師事錢塘梁同書工詩古文以敦品力學相砥礪云采訪

冊

胡湜字嘯雲一字峭水維炳曾孫五歲失怙母楊苦節撫之賴伯父于錠教以成立幼輒銳志好學家貧攻苦致疾幾死復蘇及長工舉業爲諸生譽著一庠尤長於詩風格極似唐人嘉慶二十三年成進士改庶吉士假歸旋患疾卒年三十六李宗傳撰哀辭從弟準字澹生歲貢生熟習諸經立品以謹厚稱冊采訪

邱伸字軼凡父增光見孝義傳伸幼好學長益流覽羣籍工詩古文與陳蕙劉杓俱名重一時後進多從之遊品尤

端方舉動不苟乾隆六十年舉於鄉充覺羅教習期滿以知縣用子維芝字荻洲諸生注吳穀人祭酒有正味齋駢體文同人咸稱其博孫思洙字芸史廩膳生學有淵源以父所注吳祭酒文有遺漏者復增補之始爲完書

聽思堂彙

胡鈞字竹安僮之孫受業蕭山王宗炎有文譽嘉慶十一年舉於鄉考取咸安宮教習尋中二十五年進士以知縣分發湖南歷署安仁邵陽長沙武岡州補授湘鄉有高士蕭心莊者隱居東臺山中邑令咸企高致而心莊不輕與接惟鈞至最投契訂爲金石文字交旋補善化遷郴州知州署長沙知府性明哲善於折獄尤愛才嘗爲省試同考官得李星沅文力薦於主者已而復知星沅貧北行厚贖

之既又館之署中歲助其家數百金星沅後入詞林官總
督爲名臣世以鈞爲知人鈞在湖南久聲氣甚廣宦囊所
入多贈遊士與同僚之困乏者及卒行李蕭然惟書畫琴

硯一篋而已

湖南文徵
參采訪冊

謝佑琦字崑暉一字憩眞生而穎異讀書目數行下未冠
應童子試聞學使者喜周官旬日間強識成誦遂補諸生
再赴省闈不售卽棄舉業攻詩古文詞會鄞人邱某宰粵
之海陽因往依之性豪爽好飲酒結客遍遊嶺嶠間所至
交畸人傑士吟詠以爲樂嘗主澄海講席坐臯比談經史
滔滔汨汨聞者無不歎服年七十卒於廣州旅舍

張錫路
撰傳

傅光炤字遠輝父元棧廣東老隆巡檢有惠政光炤幼工

詩文旋食餼貢成均試北闈屢薦不售幕遊四方以老天性孝友其在滇南得家書知母病急束裝歸親侍湯藥衣不解帶歿則廬墓三年後奉母之遺訓尋弟粵東而弟已卒乃扶柩回里并爲之營葬鄉人稱其孝友光焯同族元杓字斗峯諸生能詩尤善書法名重一時

宋訪冊

陳景沛字雨亭夢蓮之後諸生嗜學好古性尤孝友乾隆五十七年父元模因叔祖錫光爲靈山令同姊夫楊覺賢往省之未幾錫光終於任是年覺賢亦卒錫光柩先回里元模適以事寓廉州亦病歿景沛聞赴拮据措貲令弟景漪赴粵東迎柩已而又卒景沛痛父弟相繼客死不得歸葬而家貧乏行貲老母又在堂日夕引罪自責如是者多

載迨母死喪葬粗畢始作出門計會職胡肇州爲粵西藩幕迺其眷屬至署景沛遂於嘉慶十九年春假舟輿偕往既至粵西囊無一錢不得已館肇州署一年得百金遂附糧舟順水達北流復之興業兩邑典史陳勲王浩皆肇州相識亦有扶助興業與靈山近因先覓覺賢柩遇靈邑司訓顏某子鳴鸞告以地得收其骨藏之乃至廉州尋父與弟之柩先是元模景漪先後死郡邸喪停東門外東山寺至是歲久遍覓寺中並無其柩復詢住僧慧照智照此地有義塚乎答言在二里郵亭間然其中荒棺纍纍未易認識也景沛遂書父弟姓氏籍貫出貲募土人往覓之次日土人來告云得之河間之叢塚急走視其處果有碑高四

尺題父與弟之姓名景沛大慟既而啟視納骸於笥并攜
覺賢之骸以歸是役隻身獨行往還萬里歷水陸之險竟
得昇其三喪返之故里人皆稱爲孝子景沛後屢試於鄉
不售棄去舉業以邑志久未修葺深懼文獻無徵適授經
郡中盧氏其家抱經樓藏書甲於浙東景沛課徒之餘披
閱羣籍凡有涉於邑之掌故以及鄉先輩詩文隨得隨錄
歷十餘年排次先後合爲巨編名曰蛟川備志其書數十

卷皆手自鈔寫最有功於桑梓云

聽思
堂彙

顧華白字芳萍文筆浩瀚雄視一時尤工吟詠嘗寓紹興
有吳芬者以詠梅詩三十首索和華白次其韻酬之會稽
孟駿爲之跋有處士碣邊挂劍忽來季子孤山村下添毫

應讓長康之句蓋一時推爲絕唱也

本輯軒錄

陸志道幼失怙母胡氏矢志撫孤家貧賴叔父諸生宇天
教養之性純孝事母及叔父皆能盡其歡族黨以陸續稱
之沈靜不苟言笑舉止異常兒姿稟穎敏讀書過目不忘
能詩有踏青詩傳誦一時兼工屬對不加思索應縣試方
垂髻令見其幼戲之曰九歲童生卽應聲曰萬年天子令
大奇之年十二受知於學使阮元補諸生案霜橋筆記學使阮元知志道
善屬對謂之曰伊尹可有對否卽答曰不敢越三歲卒田
對恐犯大人名諱耳阮公大笑呼爲神童
其紳爲志其墓浙江輻軒錄同時葉世勳字詔銘幼聰慧
十歲能爲文師貢生胡澧與之談經義援引先儒注疏條
分縷析若夙悟然弱冠以縣試第一入庠其夏疾卒是日

早起猶據案讀周易數卦易簣時於牀頭檢出紫陽綱目

一帙中有折頁以待覆問者聞者咸惜之

王恩注
撰傳

張校均字敬廷一字園橋少穎悟讀書十行俱下年十七補諸生督學寶光堦深器之弱冠中乾隆六十年舉人寓京師入載以經學教生徒經指授者多掇巍科以去而校均竟累試禮闈不第亦無懟言怨色益孳孳不倦六經中尤深於禮其餘子史百家皆博覽而約取之凡天官歷數地輿河渠禘祫郊社朝聘鄉射諸大典與夫樂律之微妙勾股之精密爲漢宋諸儒所聚訟者莫不潛心探討觀其會通著爲成說其古文則受之陽湖惲敬不貌爲秦漢不空言名利立法甚嚴嘗謂學者於名物象數茫然不察而

高談心性已非格物窮理之道又以艱深文其淺陋吾不爲也道光七年選授義烏訓導先是義烏諸生有涉訟者先以牒投學學官爲理其曲直而排解之情重者移於縣縣不以爲非久之則視爲利藪校均至見投牒者語之曰若身列膠庠不能自返而輒興訟端非吾學中人也且

朝廷以某爲司訓豈受牒之官乎聞者皆悚然而去十四年義烏大饑縣未及報聚而噪於縣堂校均急過之諭以利害衆乃散復勸富室輸粟借縣令分城鄉設廠賑民藉以存活明年又饑卽與縣令周含萬謀先以狀申大府請蠲租發廩闔邑皆德之尤好周卹宗黨學俸所餘每歲緘寄家人酌量以予年六十九卒

聽思

堂彙子錫路字載常道光

六年進士知洪雅縣民苦徭役充胥隸者以千計錫路懲其弊爲豁免雜役裁去衆隸賢譽翕然兼攝夾江篆前令某死虧折公帑千餘金妻孥因是被羈錫路爲代償之其家始得回籍旋丁艱歸偕耆老修築銀江塘卒年五十一

錫冕見孝義傳

采訪冊

劉燦字星若優貢生樸而嗜學得一古今善書露鈔雪纂老而不倦著述甚富學使汪廷珍序其詩緝補義云漢唐儒或失則固宋明儒或失則畔而詩之教微補義則不流於畔不膠於固教授戚學表序續廣雅云搜葺經傳及先儒遺訓實足爲爾雅之續其爲有識者所推尊如此二書既刊燦復增刪之實事求是其學愈進又鈔大學中庸章

句之後復鈔李厚庵大學古本說與中庸餘論以附之自序以爲厚庵之疏通證明其理與朱子無芒芴異論語集註兼采衆善復節取其友黃式三論語後案之說又作孟子答問之十條根據趙注孫音義以校正之他若原書百篇集唐宋以來名家之文如原道原人等彙爲一帙支雅十篇釋人釋禮釋舟釋車釋歲集名士所撰釋詞釋官釋學釋兵釋物燦自撰之此外又有詩古音攷小學校誤日知錄記疑皆有裨於後學生平素無宦情當其赴京廷試畢卽思歸有和陶公歸去來辭一篇首日歸去來兮親衰兒幼胡不歸一身旅食於京師望白雲而增悲末日已矣乎高堂白髮能幾時胡爲奔走聲利途意緒惛惛迷所

之鐘鼎難倖致菽水可自期矧貽謀之式毅精經籍以耘
耔眞人生之樂事我今決計了無疑卒年七十

聽思弟鵬
堂棠

飛字翼雲早入戎伍嘗出洋剿巨盜蔡牽勇不顧身爲礮
子所傷提督李長庚稱之曰眞健兒也後仕至温州游擊
以督造金州戰艦勞勩得疾卒

采訪
冊

王曰升字筠皆一字師竹世勲孫虞貢生狀貌魁梧飲酒
善文尤工書法杭州知府廣善延爲記室學士梁同書方
家居見其筆札大賞之由是書名著一時
中守令先後
聘入幕府性和而介與當道交未嘗干以私人有以訟事
關說獻苞苴者必嚴斥之居鄉好義舉如修學校葺書院
皆倡率以成其事生平精賞鑒所購法帖書畫甚富嘗集

前輩名人小楷刻石藏於家後捐數畝置昌化訓導晚年
德望益重為蛟川耆碩之冠年八十一卒

陳勳撰墓志

子引孫

字伸仲拔貢生能詩兼精舉業事親得歡心與弟友愛行
誼爲鄉人所稱適值大吏徵甯放商船載糧赴津門諸商
延引孫司其事得議敘教職咸豐七年選桐廬教諭數月
引疾歸同治元年侍郎朱蘭以引孫薦舉孝廉方正授江
蘇知縣辭不赴卒年六十三

朱訪

王堃字孟簡一字芋亶晚號髯翁諸生工詩詞又善書法
狀貌古樸訓徒必勉以熟讀經史毋沾沾於舉業學規極
嚴鄉里皆稱道之教諭張振夔嘗作蛟川三老詠謂王曰
升劉燦及堃也其詠堃之詩曰髯翁愛吟詠廣和屢三五

又曰翁翁余最契制行良獨苦爲振夔所推重如此

介軒詩鈔

同時謝輔錦字畫堂諸生謝輔誠字純齋諸生陳喬字建

葵舉人李德梓字瑞林舉人夏寅字賓谷副貢生張渭諸

生皆能詩有雋才

雙川詩話

范崇階字升之諸生工詩文寄籍錢塘與查初揆胡元杲

屠倬及三慶諸名士讀書杭城之拂塵菴顏其室曰小檀

樂相與觴詠爲樂并繪圖以記初揆有崇階贊曰頎然者

貌讀書一尺皤然者腹受墨一石垂肩斗酒誰主誰客狷

潔其體綢直其狀不見客來獨隨霞往洞庭始波聆爾高

唱

菽原堂初集

舒達字一軒好學能文兼工書法肄業鯤池書院爲山長

陳鴻所賞識嘉慶十八年充拔貢生授昌化教諭丁艱未
赴任家貧訓蒙爲業布袍粗糲安分自樂絕不干預外事
亦不與里中豪貴人遊道光間海上變起巡撫劉韻珂視
師蛟關其同年生也騶從來過達以一刺報之而已性喜
周卹而窘於貲榜其門曰有求書者潤筆以米代終歲所
積得米數石盡以予宗黨之貧者咸豐元年

詔舉孝廉方正有司以達應人咸謂不愧制科云

聽思
堂彙

莊粵臺字雲書父海六歲貢生以文行重鄉里粵臺中嘉
慶二十一年舉人以大挑分發雲南署祿豐篆邑田舊無
畝畔訟牘盈廷粵臺爲分疆劃界爭端始息道光八年署
新興州丁內艱服闋赴滇署鄧川州州有蛟川江淤塞已

久粵臺請於上官發帑濟治民皆利之十七年補恩安縣二十年調昆明逾歲署騰越同知二十二年陞中甸同知是冬攝守麗江其地貿易負販皆係婦女粵臺欲易其俗乃喚老嫗至署令妻湯氏教以紡織繼而願學者衆互相傳授盡革前習二十五年陞麗江知府明年卒年五十九

周樹撰
行狀

鄭謙字光烈性謹慤尤篤友愛以行誼爲鄉里所重嘉慶二十二年成進士署福建歸化縣尋知南平當閩南孔道官吏賓客過者絡繹不絕謙不忍累民自出家財以寬其役旋改嘉興教授後以季弟歿哀傷致疾自免歸年七十

五卒

錢福昌撰墓志

李大封字冕侯家貧自少嗜學工詩賦爲學使所器重充拔貢中嘉慶二十三年舉人授景山官學教習遷學錄陞助教在京多年清約自守惟以授徒所入爲贍贖資久之分發廣東以同知用署連山直隸廳改署梅棗通判補授佛山同知調授瓊州同知道光三十年卒於任宦橐蕭然時人多稱其廉同時林誥字竹籬廩貢生知蕪湖縣水災賑饑民有惠政旋卒於任

采訪冊

陳修鼎字玉涵廣恪子嘉慶二十五年進士授禮部儀制司主事陞員外郎掌祠祭司印在京多年不攜妻孥勤於其職大僚多器重之道光十四年京察一等擢陝西鳳邠鹽法道署督糧道丁內艱歸服闋補山東運河道調廣西

右江兵備道二十四年告假回里杜門家居絕不干預有司之事天性儉樸雖宦成而歸出訪親友徒步不坐輿見者不知曾爲達官卒年七十

采訪冊

任灝字小湖工書法嘉慶間任山東濟甯州州目改泰安府司獄郡豪有以事訟者遍賂官吏事覺皆下獄惟灝無所染臺使者嘉之調濟南府司獄後歸里囊橐蕭然賣字以自食云

采訪冊

楊夏復字學洙一字愚泉諸生家貧好學天雨屋漏衣皆沾溼猶危坐誦讀自如也熟習諸經工制舉文氣息甚古然竟屢應省試不售性好施所得修金多以之濟宗黨困乏者卒年七十餘同時虞逢辰字龍泉亦以學行稱

采訪冊

陳繼序字瘦人諸生爲文敏捷有聲庠序道光十九年秋西人陷定海進犯蛟關繼序習鄉勇助官軍登陴嚴守巡視不怠明年八月邑城陷繼序扶母出城猝中夷槍而死年二十九奉

旨入祀忠孝祠同時丁啟譽亦死於難卹如例

采訪冊

劉朝元字耕雲能詩畫由武舉隸戎行道光十二年補瑞安把總夷舶變起奉總督伊里布檄來鎮海監製礮局以勞升定海營千總未赴任攝昌石都司二十二年調署石浦守備率兵巡洋於老東門巉頭諸處獲盜首曾阿嫻誅之明年十月督兵船至大日洋見盜艘追及之拔劍躍登盜窹遂以火藥自燼朝元亦身殉焉事聞給雲騎尉世職

姚燮撰
墓志

陳定誥字讀香與兄定敏定博相友愛終其身不分爨最
工舉業兼能詩善隸書學博張振夔深契其才中道光二
十年舉人居教授邑之英俊多出其門性尤好義諸生
某以非罪褫衿闔庠喪氣定誥與友謝錚賢訴諸郡事乃
得直人皆稱之定誥後官德清教諭定敏字宏樹鹽課大
使嘗與謝潔賢胡濙等募捐重修文廟定博字約軒道光
十四年舉人

采訪
冊

謝錚賢字鐵卿道光二十年舉人工詩文尤精舉業爲里
大師好宏獎後進其雪諸生某之冤義聲震於一時性孝
友兄賈閩中疾於邸錚賢聞之卽束裝出行由陸途跋涉

數千里往迎之歸值邑之海塘圯與貢生黃溥其監工修

築云溥字越山官嵎縣訓導

宋訪冊

胡枚字少文于鉉孫道光二十九年鄞東鄉土寇亂枚募民團布江列壘事平議敘光祿寺署正咸豐三年劉麗川踞上海枚奉上官檄投効滬江大營踰年江蘇巡撫吉爾杭阿圖復上海城遣枚督鄉勇五百人爲前驅副將某率兵在後策應枚由間道往襲北門已入城賊環而攻之後繼者不至枚爲賊害年三十六

詔贈員外郎銜

姚燮撰事狀

謝瀛賢字亦橋父佑鏞歲貢生文行爲鄉黨所重瀛賢幼有至性父病肝噎常侍側必多方進膳以期食下父館於

鄰塾隨之讀書夜深父改諸生文則於戶外潛聽俟父擱筆卽入而爲之解衣覆被掩燈而出歷久無怠志尋中道光八年副貢晚客杭州值浙東戒嚴奉有司檄勸甯波商人寓省者輸資助餉不辭勞怨咸豐十年二月賊陷省城瀛賢在望仙橋聞變入邸中仰藥自盡

詔贈國子監助教蔭襲雲騎尉兄潔賢字漢昭諸生立品端方享大年重遊泮水土林榮之浙賢字宗海諸生亦負鄉望潔賢子輔棖字覲揚咸豐八年舉人爲人和藹有文

譽

采訪冊

胡汀原名在汴官河南許州吏目咸豐三年奉巡撫檄赴湖北探視軍情遇賊殉難事聞

贈主簿銜給雲騎尉世職同時莊岳崧官松柏司巡檢寇
陷肇慶從官兵克復開平恩平兩縣

賞藍翎丁艱歸旋卒

采訪冊

劉寶鏢成業從孫出自行伍補定海營外委咸豐六年調
赴杭州防堵錢塘門十年粵賊竄擾省城隨將軍瑞昌擊
退後

賞換五品翎頂以把總儘先用十一年冬粵賊再犯省垣

寶鏢禦之中毆死卹典如例

采訪冊

李廣林咸豐三年投上海軍營以功

賞六品銜旋奉檄防剿甯國六年七月從提督鄧紹良攻
克涇縣以外委儘先補用明年正月隨征池州石埭太平

獲勝

賞戴藍翎八月從克婺源以把總用九年副都御史張芾
奏其解圍南陵功擢補千總其冬剿賊祁門受傷請假回
里同治元年五月賊由紹興犯甯波屬邑巡道張景渠令
廣林募勇防禦是月初五日賊大至廣林戰歿於慈谿之
雙河橋事聞卹典如例同時錢名揚亦以從軍上海

賞六品銜後因病歸會賊竄靈緒鄉與應日詩督勇迎拒
皆戰死日詩慈谿人

采訪
冊

黃聲槐居海晏鄉咸豐十一年冬賊陷邑城聲槐陰圖義
舉同治元年四月游擊布興有由定海統兵船自穿山入
聲槐挈其徒從之遂協克蛟關旋往剿郡城至張斌橋賊

騎突出聲槐以礮傷被擒死之事聞

恩卹如例

浙江忠義錄

王鑑咸豐間在巡撫王有齡署辦理文案以積勞奏授候選庫大使十一年冬省城陷罵賊被殺

賞給雲騎尉世職入祀昭忠祠同時邑人王克勤亦殉難省垣

贈卹如例

采訪冊

余志鵬字三友咸豐十一年十一月邑城陷志鵬屋被燬怒甚乃持刃捧木主行至鎮海樓下猝與賊遇大罵逆奴焚我室廬賊斫以刃志鵬與之格鬪被害後事聞

旌如例

采訪冊

范德泮同治元年五月賊犯慈谿鳴鶴場德泮偕族人瑞遠往禦於陡塘橋瑞遠戰死德泮中槍受傷歸八月賊竄入楊范德泮創猶未愈扶母而逃父聖輔及妹與妻王氏均被賊戕逾年德泮以傷重死年二十六同時范信良范德富范文琪亦皆以剿賊慈谿戰歿均蒙

旌卹

采訪冊

姚燮字梅伯晚號復莊生有異稟周歲能識字五歲有客過其家知其慧命賦燈花詩卽成五言二韻客大驚歎爲神童稍長讀書卽十行下自經傳子史諸家詩文集下及道藏釋典稗史雜家言靡不觀覽道光十四年舉於鄉公車北上從都中諸名士遊見其詩詞駢體文咸謂可與古

作者抗行編修徐寶善郎中湯鵬尤傾倒之每譽於公卿間由是才名益著性跡地不羈好徵歌遊宴客中金盡則閉門作畫市人爭購之其畫仕女花卉翎毛皆佳而梅花尤淋漓盡致世以大梅先生稱之家貧不能里居終歲旅遊近則滂洲彭姥武林禾中以暨滬江姑蘇廣陵燕京所至流連吟詠爲樂遊歷旣多聲氣甚廣而著述之富且工爲邑中罕有晚遭寇難匿居山谷日整理文彙抄錄不倦迨寇退而病旋作搜葺蛟川耆舊詩臨卒數日前猶選詩撰先正小傳卒年六十

聽思
堂彙

謝輔站字愷賓善制舉文中咸豐九年進士授工部主事文譽噪於都下達官子弟爭執贄爲弟子時邑之孝廉計

借入都者因府館人多咸僦旅邸以居輔站乃與邑人吏部主事盛植型候補鹽提舉余鴻潮等募貲建鎮海試館於東華門外士皆便之旋卒於官

采訪冊

林枝榮字簪香道光十七年武舉官温州中營千總咸豐三年江甯陷從總兵陳世忠率舟師扼守觀音門水路攻奪木笮

賞戴藍翎升定海右營守備以日久船損回營修整旋護理定海營游擊十一年賊犯杭州奉巡撫王有齡檄率兵六百赴省垣防堵艮山門自九月至十一月賊攻日急枝榮戰傷成疾卒

卹贈雲騎尉

采訪冊

陳世珍字儒懷父懋哲道拾遺勳候守以待人皆稱其厚德世珍善步射中道光十九年武舉候補管千總尋患足疾家居咸豐十一年冬粵寇陷城逆渠何文慶使賊召世珍教習技勇世珍斥之去文慶怒拘世珍於偽署世珍終不屈繼而見其跛也釋之時方大雪世珍饑甚賊憐之饋以米不受會有識世珍者伺間掖之出城得免於難同時華祝諸生居施公山性豪爽工書法當邑城陷祝病已劇聞鄉人多附於何文慶怒而歎曰我死晚矣何醫藥爲拒湯飲者數日遂恨恨卒年七十餘

采訪冊

曹昌燮原名燕字珊泉幼卽能文工書法由拔貢生朝考一等授七品小京官尋補刑部福建司主事同治十二年

中順天鄉試舉人光緒元年成進士選庶吉士與諸庶常館卿屢居前列尙書景廉侍郎殷兆鏞皆賞識之一時譽滿都下三年授編修歸家疾卒年四十六昌變性孝友爲人溫恭寡於言語與儕輩接談訥訥如不出惟恐有傷其意尤好義舉其宦京師商人某之子幼欲從師而家貧昌變爲代輸贖金同里胡載生挾藝遊都病歿於邸治具以殮及送柩還鄉所費甚鉅皆昌變任之又有胡某在京多年其妻早亡胡某旋又患病向昌變之僕嗚咽而泣言非爾主人收拾枯骨吾夫婦其終爲異地之鬼矣已而胡某竟卒僕以其言告昌變乃出篋中金不足爲輟轉代乞資送其二柩回家其厚德如此

聽思
堂稟

任溶字學韓寄籍順天補諸生尋歸里創議修靈緒湖堤咸豐十年粵寇竄境鄉人靡然相從溶族無知者數百人亦欲附賊爲亂脅溶爲之魁溶嚴諭以大義族人猶強之溶乃自投井中衆驚救之得不死遂感溶意無從賊者明年四月江南鄉義勇起溶亦奮然率衆至慈谿城及官橋等處擊賊及事平又以米貴族人苦饑溶募捐糴穀按戶賑給之卒年六十六溶族人鵬垂天球宏安皆以殺賊被害又有學元嘉祐亦死於難

采訪
冊

補遺

明

陳睦原籍定遠人後家於鎮父仲和從明太祖起兵屢替

戰功被傷成疾未及授官而卒陸嗣太祖念父子積久勩勞授世襲正千戶運糧海上有年建文二年燕兵起上命李景隆出征陸領前軍次德州戰於夾河陸奮勇直前斬殺數人會景隆後隊退走遂敗績陸爲流矢所中死於樂安州永樂登極惡其抗戰削籍陸子鑑以先朝父子積功鳴於朝貶授定海衛百戶俾世襲子孫遂家焉

乾隆志

胡淪號潔軒幼就外傳屬對應口立成稍長作文出筆多驚人語爲諸生每學使者臨試輒稱奇才其學淹貫經史百家嘉靖四年貢於鄉廷試第一司訓蘆江尋遷雩都教諭皆以身爲範學者宗之有雩都集傳於世

乾隆志

鄭中陝西人洪武十一年由進士任宣政院都事同院使

馬梅征王保保有功改武階受河州衛鎮撫二十六年調定海衛鎮撫遂家於定七世孫金征倭與建威遠城後裔詩禮相傳衣冠不絕

乾隆志

薛通字德明朋龜裔自鄞徙定海嗜善好施人告以不給輒捐所餘賑之後因子業儒對眾籲天焚其貸約臨終復以囑其子迄今人呼爲薛長者先宋時朋龜祖父五代同居號爲義門通復如是邑令陳軾匾其居曰崇義後其子俊以貢授常州訓導陞浮梁教諭贈通如其官俊自有傳

乾隆志

張一鳴字鳴和少好學有志節天啟丁卯年十七補儒學生自是益刻意讀書專精舉子業五赴棘闈皆不利崇正

己卯房考得一鳴卷深加嘆賞呈之主司爲詞試官所爭復黜之一鳴絕不介意但云士不通經學古而獵取功名恥也遂出藏書徧讀之復究心濂洛關閩之學以餘閒作詩亦意精詞綺

乾隆志

張鳴喈字雖又學者稱全協先生爲文根柢六經丙子鄉闈已入格主試者以其文無顧忌斥不第宏光時徵爲吏部郎官不應明季兵燹頻仍詣無賴蠶聚抄掠聞鳴喈名相戒毋入其家喈乃推牛醢酒集若輩飲論以禍福皆聽命一鄉安堵

國朝以遺隱薦辭不出隱居覺海山中後學多從問業每謂作文不足羽翼經傳雖工無益也經指授者皆有法度

年七十圖彪卒著有四明文獻考山舍偶考山舍偶存等
書藏於家

乾隆志

國朝

鄭宗衡字君銓好經史敦品誼學者皆矜式之督學虞二
球其高弟也以歲薦授甯海訓導訓士有方其不給者兼
助澹泊數年卒於官甯士重其文行請諸學使者從祀名

宦祠

乾隆志

李文偉字韜仲年十二能文擅神童譽十六補諸生所交
游皆名士工部郎中范我躬以女配焉屢躡棘闈以明經
老遂自稱澹圃吟咏山水以終將卒作詩別諸親故親故
畢集謂曰可歌以送我曲有誤者猶顧而正之須臾端坐

逝所醫有晚醫藥先是父臥病十四年湯藥飲食必躬親
晨昏寒暑無間居喪三易期泣血如初其孝行又如此乾隆

謝緒宏字子任探討羣籍讀書於梓山書屋寒暑不輟性
孝母沈染沉疴盡醫其室之服飾爲湯藥資康熙丁丑以
選拔貢成均已卯雋賢書所著有四書詩禮文若干篇乾隆

志

謝功昌字在武邑增廣生性孝友養葬事曲盡禮展墓必
拜哭於室西偏建萼圃偕昆季聚樂其中怡怡如也尤好
義遇邑中利害任如己事崇邱鄉素資權於鄞之東錢湖
鄞人設閘阻水不令下流一鄉坐困幾數十年功昌首鳴

當道及二邑會勘侃侃而談詞理俱壯鄞人俯首而屈定案立碑永得引灌湖水多其力焉

乾隆志

顧澄昭初業儒咸豐間投筆從戎由上海至常山擊廣匪中敵陣亡同時黃明耀從軍揚州後帶勇至餘姚擊賊力

竭而死

宋訪冊

黃春鳳居遷緒鄉粵匪滋擾至其村春鳳自恃勇力與賊戰死事聞 旌恤如例又有范亦清范慶齡亦同時被害

宋訪冊

鎮海縣志

孝義傳目錄

宋

朱日新

周德

沃元瑀

張超

吳璿

父璋

安時

子安禮

蔣某

陳烈

父壽

弟勳

元

吳來朋

倪溢

夏永慶

父文德

夏榮顯

父文華

夏榮達

子琛

唐榮祖

韓常

父君屋

子懋簡

韓性

樂彥通

子用才

用良

明

金傑

賀孟員

子祥

俞民化

李貴

沃浩

王孟駟

王國濟

邵瑜

葉府

繆廉

王元善

李田

李道宗

父世顯

艾春

父震

鄭仁山

鄭十三

劉晉

謝大綸

李之挺

李澤

陳繼官

董一麟

俞肇乾

李仰山

父懷山

劉喬賓

弟喬舉

子元明

謝瀚

子泰運

謝湘

劉行可

任鼎賢

劉可立

邵崇顯

王大豫

鄭廿六

兄饒七

潘世寶

虞興詩

張文之

父榮

劉廷式

子上庸

金志榮

族志顯

華明義

皇朝

任鼎才

謝泰履

子廣昌

謝恩榮

謝陞

謝泰定

子克昌

謝燕昌

弟申昌

張聖選

鍾國珍

林大克

虞一稷

陳國瀚

子應璠

應凱

應豐

應和

孫誠

曹嘉文

沈匡斗

張武曹

任士林

莊重鐸

弟秉公

莊機

金英

陳帝肩

湯爾昭

莊孟浩

弟孟斌

湯衍慶

陳學詩

父國相
昌壽

子昌晉

石朝俊

朱嗣軻

焦汝備

賀子仁

胡某

方士奇

弟士會

蔡人能

江萬鍾

吳大琳

胡錫光

王玉符

湯日志

子殿元

林文賜

洪國楷

李應翹

嚴仁厚

父爾錫
積樹

弟積義

孫繼祖

樂璘

楊季芳

石元龍

黃士晉

謝子敬

徐大盛

父寧宇

吳大倫

子學儒

范之屏

華汝器

楊文滋

任嘉鈞

族景道

劉宗璟

張肇業

弟嗣業

胡大芳

子應仁

吳大璋

謝緒惇

陳明善

子廣恪

陳兆鼎

父殿逵 子寅

丁煥章

陳志縉

任成元

華元鼎

張學伊

鄭光燦

謝繼祖 胡軒相

林芝巖

鄭廷秀

子朝宗

劉仁榮

弟仁宗
仁祖

仁耀

沈學正

華文銓

湯日貴

嚴正禮

李世榮

弟世開
世華

世達

余一鳳

子守貴

虞嗣槐

完有恆

劉緒珪

任起元

張學貫

劉國才

胡俊杰

曹文英

金文貴

丁掄芳

陳學禮

子昌運

陳學可

唐惟忠

石逢貞

劉懷瑛

沃又阮

劉宗祺

子琨

鄭光祜

族弟价

劉興周

弟元勳 杓

邱增光

父世榮 子伸

黃時清

吳士璋

王曾傳

弟曾甫

劉五德

父允義 金鍼三

劉元澹

劉緒公 子緒聆

湯宏恩

父維藩 莊明德

范兆英

王夔

陸萬鍾

父廷元

周子才

張爾達

周斯道

陳宗璣

胡明科

曾祖學喬 子于東 從子于煌

族德邁

項萬方

族萬源

胡子斐

王敏政

父宗懋 子大成

謝佑嵩

弟佑高 佑明

傅思順

鄔暉

虞蓼

鄭增元

樂涵

包仁義

張錫冕

李恭浚

鄭熙

黃喬年

邱思藏

張和壽

周清揚

林中高

鄭修鍊

子昭

胡濱

周正祥

方亨甯

任松坤

王應鳳

李承輔

方仁照

李容

方椿

王咸亨

弟咸章

補遺

范天翼

鎮海縣志卷二十五

孝義傳

孝友施於有政欲以敘天經修人紀舍是其奚急哉世嘗以君子惇庸德不尚奇行詎知骨肉之際無庸無奇惟根於至性者貴焉烏私終養大被同溫固樂事也而刲體愈親捐軀甘殉且有愚夫庶氓之所爲而學士大夫不能及者志既可欽其事豈容沒耶若夫有無相周緩急相濟不沽名不伐德亦庶幾有睦嫻任卹之道而由仁厚之俗以進大同足徵

國家治久化戍之效云

宋

朱日新母病劇新刲股以進殞而復生郡縣題其門曰孝

愛成化志

周德事母極誠致敬人無間言清泉村有崇孝東橋崇孝

西橋俱以德獲名成化志

沃元瑀字君寶以貲雄於鄉賦性渾厚有長者稱熙甯八年歲饑且疫溝中之瘠相枕藉瑀掩覆骸日散庾積以應貸者及秋不責償悉焚其券元符二年春亢旱瑀率鄉人禱雨靈鰻井日夕致虔夢神告曰有陰德者天報以福若實當之泉湧枯池用彰爾善瑀覺起視池泉果湧東西阡陌賴以布種晚年自營生壙而卒乾隆志

張超家貧常素食爲業自幼孝年十九父榮患疾漫篤醫藥禱禱俱無效超對佛炷香割脇取肝煮粥以進不踰日父病愈實乾道二年十一月二十六日也守趙伯圭舉鄞

孝子楊慶例厚加優卹趙師夔岳甫皆嘗申賞資焉

寶慶志

吳璿父璋以邊功補副尉母朱氏病璿割股療之而愈年九十三乃終璿與妻楊氏更病男安禮安時皆割股以進安禮療其母且至再焉璿七十九乃終楊氏尙在年八十九矣前守李沐以聞於朝嘉泰

案舊志作嘉定誤

三年有旨長吏

常切存卹命縣令王百揆建崇孝門以旌之後令商逸卿

趙汝監重修

寶慶志

蔣某佚其名入呼爲蔣員外仗義矜節不纖嗇於財里中

有子姓不類鬻田產者必隨其價市之逮久度其無以自給舉以還之不責其償已而又賣既買又還有至數四者卒無厭意嘗泛海趨郡爲風所擊溺水舟人救之不得舟行去溺所約十里許遙見一人冉冉立水上隨風赴舟視之乃蔣也亟引之問所以曰方溺時覺有一物如篷藉吾足適順風吹故得至人以爲積善所致

嘉靖府志

陳烈字德輝父濤寶祐間爲儒士隱居鄞後徙後徙邑之崇邱烈明春秋兼治禮記咸淳時補諸生承父志不求仕進教授生徒偕弟勳盡心色養元至元三十年父母繼卒烈哀毀骨立葬龍山邵畧單身林野守墓凡六年至今咸號其所居村曰墓孝陳

唐志

元

吳來朋字友文性恭謹事親無違遇宗黨有恩誼孤寡以田給之里役以財助之綱維其急難而剖析其是非一鄉罔不欽服年六十四卒以子璋貴贈台州路總管追封延陵郡侯璋自有傳

九靈集

倪濫字太亨性孝友謹事父母視諸從子姪若己出尤敬儒士有師館其家者客往來無虛日左右厭之濫叱曰吾爲子弟延師多矣乃今始得賢者汝曹何敢爾於是禮愈加嘗遊錢塘時饑疫死者無以殮爲置棺道之倒囊篋無所靳又使人賈泉州得米盈巨艘米商隨而至者六十餘艘價騰踴濫故損其直羣商恨之濫曰以千人之饑爲一

已利可乎凡故舊以貧乏告卽厚贈之不以存歿易其心
初試吏典郡獄有盜發大家家大家誤連無罪者於獄且
重賂欲致之死濫曰死不死有命在我何忍以獄市哉後
得真盜其人果獲免又富家子殺人有司受其賂旁一人
承罪旣成獄濫廉得其情白於上免之而殺人者隨得獄
室窒塞暗昧每暑熱寒凍瘕死者衆濫言於守斂捐梁上
泄穢氣自是各郡獄有倣其制者陸府史奉化州吏某以
貧故久需次不能補將鬻女以爲資濫聞而止之白諸郡
使移州亟用之轉市舶吏日江浙行省檄元帥李某以所
居船貨質民間輕重其價不能準濫具陳其狀公私便之
凡諸船戶私匿貨者盡沒所有而罪其人如律有商匿龍

贖一巨筒於舶中直百金適爲溢家童得之溢念吾爲吏而家童私其物吾焉委罪吾不私而許之官則必有受其罪者甯忍乎乃密沈筒水中商聞之拜且泣曰微君吾家爲壑粉矣陞江淮財賦府掾松江大湧時已獲農訴無所出租府檄溢卽其地驗溢以一器知巨額買田間水中由是虛實無所逃衆服其能遷兩浙一職建運使掾民私致鹽升斗許悉貸不問嘉興巡檢某以私讎誣某寺僧僧不勝榜掠誣伏獄上溢知其枉平反之具以官坐堂數目溢以不可溢毅然以天理反覆喻官官意解府巡檢窘賂溢十萬緡卒弗撓他日僧實白金甕中詭以爲酒遺溢亦弗受一時要路交薦之邁疾歸元統元年卒年六十六

烏斯道撰行狀

夏永慶字章甫大德中侍父文德轉粟京師浮海而北舟抵海津鎮時易一小舟盤載喧呼雜然文德顛仆溺水永慶震駭號天沒入洪濤負父出波而舵人提戟鈎其衣父賴不死永慶力不能支竟沈於海其後諸弟傷之益相友愛居同室食同爨至正十三年有司上於朝旌曰孝義之

門元史宏簡錄

夏榮顯字仲和世居郡東鄞江上父文二貧甚榮顯蚤歲卽慨然思奮嘗語人曰吾世浸衰吾不以服勤自立不名爲人乃度定海之白沙舟車輻湊可以治生殖貨因挾其仲及季俱往不數年遂富甲諸室於是卽所寓爲廬舍迎父徙家焉復念兄弟八人散處兩縣乃益大其居宇爲聚

族計而伯兄首挈妻子至同室而居雍雍如也榮顯孝友本乎天性苟父母之所愛雖已甚惡必致之父母之所惡雖已甚愛必遠之事其兄如事父事兄之妻如事母以愛兄之心愛諸弟以字己子之心字兄弟之子女弟適人而早寡有子方稚悉取之來撫之終其世其於鄉黨州里有無通之長吏貴人數款門問勞顧不可強之仕卽薦諸集賢院錫其號曰眞逸處士

九靈集

夏榮達字仲賢榮顯之弟自少懷才負氣不肯受人侮辱及長隨榮顯居白砂以貧遷爲富室家事悉身任之父嘗被陷私憾事吏讞久不白榮達泣懇有司卽平反以出父又爲郡司稅曹氏所構百計雪冤不克曹蓋西州巨族在

位者多向意助之家人大駭榮達曰無苦吾愬之肅政司
父枉可伸旣而果然曹亦以是黜鄉民有以鈔法被收者
吏受賄聽其偏袒榮達以次兄亦在株連中爲白諸上官
卽日釋去里楊姓爲鄰仇中傷當坐榮達盡力直之李氏
孤貧而願學榮達育而教之雅敬賢士大丈夫若孫必延
名師以陶淑之平居易和恭謹恂恂如懦夫至其爲義則
踔厲風發勇不顧前後其所樹立殆不可及云子琛有孝

行屢刲股已母病

九靈集

唐榮祖字景輝自幼航於學有進取才父命之遊京師榮
祖以母體久羸不欲行迫之乃浮海而北渡黑水洋至登
萊界天忽反風舟南漂三晝夜夢寐中如見母遘病有忍

死待兒之語驚起覓所見則舟行已近家卽登岸馳視之而母果病遂泣禱神祇竟愈榮祖自是不求仕進修其政於家庭事親敬而順每遇盛怒必下氣低顏微言以悟之冀得歡心乃已待兄弟溫恭雍睦五服之中雖或分門以處而必愛必親不啻若同堂其在閨房嫺慢之氣不形忿憶之色不兆夫婦互相賓禮德行之可稱如此

九靈集

韓常字惟善世家定海父君厚資粹容由商賈致富徙居郡城常生而岐嶷旣長威重嚴整人見而敬愛之父卒執喪過哀事母孝謹少嘗讀書而通於易遂善卜筮憂疑得失一以決之應答如響恆曰天地造化之理會於吾心至誠求之斯得矣四明道學自宋爲盛楊簡舒璘沈煥諸

先生置書院列諸學宮常聞其風而慕焉助田以給祀事平生尤好施與有貧不能葬者給以棺槨貧而產者給以饋粥定海縣治由江入海濤浪艱險常以故里眷念不忘擇要地置通津菴買石修治道途作渡舟由甬東泝河直涉其境行者便焉腴田三百畝皆在靈巖鄉弛其租入三年故居改爲義塾每戒其子懋簡懋和曰寡懋可以養心節儉足以裕己力勤足以奉上衣食取給不必精華賦役充應不宜退怠暴橫之臨靜以待之毀譽之加弗校可也後以懋和官萬戶由定海縣子進封高陽郡侯卒年七十

一懋簡嘗兩以慶元幕長薦不就懋和自有傳

榮陽外史集

韓性字可善世居定海後徙鄞天性厚重遇物以誠不事

表暴所入雖薄而好周窮恤匱凡婚無以爲資喪無以爲禮者必謁其門鄉人有逋不能償爲代輸之歲大疫比閭相避戒弗入性率醫往視或輿致其家愈而遺之未嘗有矜色又規置田若干畝爲義莊以收族人建義塾以教子弟其兄某初以途人遇之稍長卽異居家素饒於貲性裁十有其一二人病不均曰吾豈憂吾貧耶嘗於隱處獲遺珠升許悉歸其兄浙西廉訪司僉事浦江鄭浚嘗抵其家喜其爲人因遺以磨然集遂取爲子孫法

成化志

樂彥通家貧好義年三十未有室一日措貲將謀娶遇鄰人喪父不能殮傾囊以贈曰吾年甚富猶可完娶也有相士見之謂曰君有陰德非長貧賤者後長子用才成進士

入翰林次子用良饒於貲果如所言

成化志

明

金傑兄以罪赴京傑請於官願代行官義而許之臨去時妻徐氏方懷娠傑語之曰生男若善撫之又曰吾此行恐

無生理任汝改適已而傑死於外妻生子守節以終

乾隆志

賀孟員

案明科名錄作尙員

幼失怙性樸厚寡言年弱冠從父志德

戍遼之廣甯其子當隨臨行避匿孟員慨然曰塞垣非可獨往我當共之始至廣甯後遷義州事從父極孝養從父抱疾踰旬孟員晝耕於郊夜侍於家雖辛苦不自知也嘗商於南州有所獲弟先持以歸稱爲己資已而空囊抵家尊者詰責之孟員不與辨焉又買木棉於丁家道口貲貨

既出值天亢旱孟員不忍人艱於食遂棄券而歸客居無
事手織草履置門外見有跣足過者輒與之邸中樹有鳥
爲巢同伴少年取其一絀樊中其一飛鳴不已孟員惻然
勸縱之鳥飛鳴上下若感德狀孟員謂同伴曰斯不可樂
耶途遇修橋者探囊中金空匱遂解巾上金環畀之生平
忠厚皆類此子祥官白戶欽自有傳

醫閩集

俞民化儻好義鄰里有鬪爭出數語折其曲直且諭以
禮人卽引咎若不自容至相戒云無負俞君之戒正統間
歲稔輸粟五百石助賑縣令舒謨勒石以旌其義

成化志

李貴北直隸金吾衛李得弟也正統間得死子勝立甫五
歲調定海衛貴越數千里襁負而至人或說之曰君盍自

爲計萬戶侯非孺子有也貴輒罵曰人而獸耶孺子可死
吾心可死耶卒保護之及長襲爵輔以政事且戒之曰君
父不可負也卒用成立人咸服其義

成化志

沃浩字仲廣元瑀之後早失怙抗志力學工詞翰爲時所
推重負氣剛直鄉黨有訟者皆願往質曰是能直我有違
行惴惴不敢造其廬治母喪務求合禮大祥猶服齊疏雖
盛暑不除人或勸之浩曰君子有終身之憂母恩罔極何
能一日忘哉子類別有傳

乾隆志

王孟馴素好義行成化間饑縣令宋宣致書於孟馴曰邑
被水災民有饑色在上者不能無憂在下者自當加惠匪
以勢迫惟以禮勸或輸米而就散官或納穀而立碣石終

身有冠帶之榮一生免徭役之擾勿以慳吝而背仁切須
慷慨而嚮義如肯行賑當時豈不垂芳後世孟馴遂出穀
五百石賑濟大吏疏奏於朝上乃賜敕書曰國家先務養
民爲急爾王孟馴能出稻穀周助饑荒有司以聞朕甚嘉
之今特賜獎諭旌爲義民爾尙益敦仁惠表勵鄉族以副
朝廷褒美之意同時王國濟出資助築後海塘造長山橋
輸糧禦寇邑人咸作歌以頌之

嘉靖志參
采訪冊

邵瑜字從義其先山東人因宦遊占籍定海世居邑之孝
門巷瑜少孤奉母至孝母卒營葬於東管漢塘村廬墓三
年未嘗返窺城市喪畢復挈家卜築於墓之西偏二百武
且耕且讀成化間輸粟五百石以充邊用詔建坊旌曰義

門賜冠帶焉逾年歲大稔捐施粥糜全活甚衆鄉人德之卽其宅東南田畔鑿池爲之備旱名萬功池以志不忘今

俗呼王家漕者卽其遺址也年八十一卒

嘉靖志

葉府字孔修爲人狷介未嘗苟與人交事親篤孝造次不敢離左右父患肺病思飲太白山泉府昏夜踰嶺冒險致之已而病日危諸藥莫療府情甚迫感思古有割股事遂焚香願天割其肉和藥以進父病頓愈後以高年終府居喪哀毀踰禮結廬墓側衰絰不除三年如一日人以爲難縣令王文貢扁其居曰孝義邑博士劉孔愚爲之記

唐志

繆廉兄弟七人至老同居聚族近百口自祖保障父永宗至孫蘭凡五代耕讀各職其業斂散需賓事各有條鄉人

義之

唐志

鄭天錫鄭安民鄭文錦鄭延齡何以義稱亦

王元善字日升書入都爲錦夜衛軍長帥建朔酷刑鞠囚日升惻然於心欲去之會改授吏部郎中授廣州經歷未幾辭歸性好施濟歲饑出粟賑饑至允通救黃書病者以藥餌起之全活甚多有無賴以橫逆相如置若未聞賊獲竊藏以逃事發以其半予之曰得此亦是謀生後宜改行也其寬厚如此卒年七十餘

天中

李田字公甫好讀書天性孝友幼失怙恃事繼母丁極謹復父事其兄國比國死率嫂氏張亦如母有女弟適陳早寡撫孤甥篤至以故嫂與女弟皆守貞其志雅好施舍歲大稔有以僞金來易粟者田不問糶與之粟而投僞金

於水偶入市獲遺金而迹之其人歸爾來彼自言狀果符
卽還其金其人欲分金爲謝卒卻之一日鄰屋災逼其居
室衆莫不爲田危之田乃具衣冠願天須與反風滅火室
竟無恙人以爲厚德之徵唐志

李道宗字文奎年七歲父世顯以吏員入京坐事戍甘肅
踰二十載道宗旣長補諸生念其父日夜西望號泣告大
父及母欲往尋之時值嘉靖辛亥鄉試期已近勿願也萬
里徒步歷三年始抵玉門關夜宿武安王祠夢神告曰不
出二日於涼州界當見汝父矣時世顯爲邊帥記室遇於
塗聞道宗語曰若南人乎曰諾遂相攜入酒壚貰酒敘鄉
曲言所從來知爲父子抱頭相嚮泣甘肅巡撫知之試以

文題爲竊負而逃二句道宗文不屬草呈焉巡撫曰一字

一淚佳士也欲以其父戌籍畱應甲子秋試

案李道宗嘉靖辛亥尋親

歷三年見父當在癸丑間乃云巡撫畱其應甲子秋試遲至十年爲期太遠疑甲子係甲寅之誤

世顯亦

欲暫畱冀成子名道宗長跪曰大父與母望父者廿餘年矣兒行時屬若見父宜早歸今旣遇而淹畱非初意巡撫

知不可強遂除世顯戌籍捐俸助之高還道宗初號懷西

以父在西也至是號見泉以父號東泉故云久之遊學金

陵有故交陳煥客死其妻鬻子女以殯櫬不得歸道宗捐

所受贖贖還之并歸其喪焉

唐志

艾春字德元敬之孫生甫三月父震卒母耿氏痛哭喪明

輔春至於成立春傷父早死念母劬勞志圖終養不欲承

夔耿曰先人捐性命策功勳爾乃斬然棄乎春涕泣曰善
養親者養其志敢不惟母是從遂襲先職綽有祖父風當
道屢以才舉任把總者四終痛母之盲不欲遠違定省躬
進滄髓不以委人母病癱爲吮之勿藥旋愈已而居母喪
哀毀骨立請乞終制既葬廬墓側無何東倭來貢道由定
海當道強春起視衛事春不得已墨衰治戎制禦有方凡
先後在官終無斯須忘蓼莪之思至今人稱艾孝子

乾隆志

鄭仁山字珍七

案原作珍七字仁山誤今據家傳改正

居海晏鄉值倭寇亂

總制胡宗憲督戰催餉亟里魁不能當其役邑令宋繼祖
聞仁山能推爲一鄉大戶長匝月輸粟者不勞而集從海
運至關遇颶風糧艘盡沒有勸復派諸戶以完事仁山毅

然曰董役不慎以致傾覆而派里人再輸是重科也豈朝廷意哉因自鬻其產償之繼祖嘉其義給冠帶酌酒於地祝之曰願鄭仁山世世昌盛焉里有無賴爲盜誘其從子順九同事仁山立斃從子曰無累吾鄭氏清白也其明於大義如此

唐志

同時鄭士傑士喬文拯廷州亦以義稱采訪

鄭十三昌國人嘉靖間汪直構亂海上寇禍益証昌國地當東南之衝倭至輒首犯之時十三家東山稱世族倭犯其境族人倉卒避難去十三請其父亟行父猶顧慮不去已而隨父西馳爲倭寇所及縛執其父刃之十三抱父尸大哭并爲所執憐其年少欲生之驅之偕行十三伏地大慟不肯去倭怒并刃之棄尸道上越數日族人歸而收其

尸十三身首異處而右手猶抱其父牢不可解縣令宋繼

祖聞而哀之爲文以祭鄉人至今稱爲孝子

唐志

案曰劉晉鄭十三皆昌國人而晉之死祀邑孝弟

祠十三被害縣令宋繼祖爲文以祭之以此時昌

國隸定海故舊志入之云

劉晉昌國人嘉靖三十二年倭寇入城其祖老病不能行

家人各挈妻子走晉負其祖而逃賊將及祖曰我老甘死

汝宜速去晉不忍遂俱被殺後祀邑孝弟祠

唐志

謝大綸字世和少貧躬蠶蛤以養親長當出爲人後大綸

曰有父不能事違事他人父乎讓其兄往繼而身操作益

苦俾父母不知有貧鄰有豪右侵大綸旁室更新之尅期

犯三刑弗察也大綸曰知而不告非睦鄰舊誼告之而改其期豪者愧謝敬之終身邑北城爲潮蝕大吏議增築里遞皆難之大綸率先董勸三載而城增厚後以子渭貴贈四川布政使右參政

憲綱冊

李之挺字大陞諸生工舉業數奇不售寄情棋酒晏如也有閩商寓其室亡囊中金四十鏹疑之挺之挺不與辨如其數償之商尋迹獲原金因自慚謝里中羣稱長者嘗遊洛迦中流湍急舟幾覆之挺投襍被解衣以殺水勢同濟者賴之無虞

乾隆志

李澤字禹施昌國里人諸生爲人謹厚言論恂恂好仗義無所讓難早喪父事母朱氏竭其孝兄弟五人相友愛母

病醫藥弗效五人各禱於神誓以身代又弗愈澤獨封股和藥以進乃愈鄉里言於博士將闕之督學表其門竟爲忌者所沮澤喜曰澤欲生母而非中道茲正所以教澤也終身不言其事有女兄適金寡而無子澤倡諸兄弟迎還贍養歿爲斂之歸葬於金鄆士人某渡海客昌國覓故居停主人不得遇聞澤高誼往候之澤卽延主於家昕夕禮待必周已而士人屢求去不獲一日不告而行澤與弟前後躑躅追士人良苦及之卽挽舟勉畱行數十餘武回視先放之舟已爲颶風所溺士人頓首謝澤曰微君兄弟予其葬魚腹矣義士哉義士哉澤卒祀邑孝弟祠

唐志

陳繼官生平折節砥行與人交片言徵事未敢少欺家近

團闈比戶雜沓兩遭祝融而繼官之廬獨存人皆謂行德之驗萬厯間邑令汪應泰旌之

唐志

董一麟字明雅讀書敦行少孤奉母李最孝凡足爲母氏悅者必委曲致之母病衣帶不解無間寒暑母壽九旬奉養如一日生事葬祭必誠必敬人皆稱爲孝子與兄明崗合食數十年其子女婚配悉身經之後復分所置之產以其肥沃者爲兄善後計閭里咸歎莫及邑令朱一鶚旌其廬曰孝友之門年七十五卒

唐志

俞肇乾性純孝著於鄉里萬厯三十八年母鄭氏病篤多方醫禱不效肇乾剖股煎湯進母愈有司給布粟以旌之

仍月給粟養其母

唐志

李仰山父懷山依某主政入都與妻分袂裂帨爲記仰山方在母腹後主政謫去父流滯他鄉音信杳然仰山長聞父所在母告以故泣曰世安有無父之子哉卽日別母負笈尋父聞鬪頭沛十有二載至宣府臥武安王廟夢神告曰明日會汝父矣時懷山在總鎮幕府偶於戎務之暇醉酒市間適仰山於次日過其肆兩人相見以聲似浙音推詰眷屬欲歔泣下仰山出裂帨相示懷山曰果吾子也言於總鎮借其子歸計前與妻別時已三十年矣總鎮狀於

朝廷其門

唐志

劉喬實字可望少與弟喬舉習制舉業一日念父勤勞家政遂令喬舉卒業日爾無負父志吾代父服勤不數年稍

致豐腴喬舉亦補諸生伯父無嗣喬舉當爲後遺產薄甚
父憫其業儒不能謀生憂形於色喬賓知父意割廬舍田
產予之無纖毫自私萬厯間修學宮尊經閣又改文筆峯
於巽位喬賓始終董其事尙書薛三省爲碑記之子元明
博學多聞不干榮進學博葉國華聞其名事有所疑屢就

諮焉以額旌其廬

唐志
榮

謝瀚字泮池少與弟涓同肄舉子業家貧無以養親使涓
卒讀而已棄章句經營纖嗇一日絕食無措禱之江神於
溼泥中得大蛤數升歸以奉堂上膳人以爲孝感後涓成
進士官至按察使瀚仍操家政視諸姪似子俾涓無內顧
憂卒爲名臣瀚之力也性好施濟以靈巖田數萬畝止長

山一磬司蓄洩爲置版石雇守者專職啟閉歲以有秋郡
邑苦饑會撫軍有轉粟之役瀚請分千餘斛開糶蛟關全
活無算居嘗訓其家人曰人情皆生於有所恃恃父兄者
非佳子弟恃子弟者詎賢父兄識者嘆爲名言卒年八十
三子泰宗自有傳楊德周撰墓志泰運字時昇太學生嘗遊江淮
逆旅主人夜使姬侍酒泰運急趨出主人追謝之不返顧
也鎮帥王之仁駐江潯檄泰運署參將知其事必不成辭
之旣而避難柴樓海寇來犯泰運負父往匿蘆葦深處有
賊要於路賂之以金且曰老人瘠兒肥堪代以食賊義而
去後事平返城年五十四卒大愚集

謝湘字春池渭之弟生有至性室遭火從烈焰中負父母

出營業販沙城一日忽心痛思二親卽繭舛而歸見父告以故父曰吾昔念爾曾一嚙指不意汝竟至家母病思食瓜時祈寒疾走靈峯溪側號泣求之俟見上游浮王瓜至歸以供膳方試匕而病已霍然愈及涓宦京師湘奉母就養母輟煤食卽往西山諸處燕柳木爲炭躬操爨具以奉滫隨其孝行如此晚年家居好義其友陸仲延卒初無託孤之命瀚聞其貧具奩妝嫁其女又割田十畝給其子卒

年七十七

天愚集

劉行可字用行儻有志節少受業於同邑武愛文赴省試被薦者三卒不第居家賦詩飲酒好施子鄰人構屋隘於地行可割地以贈償之值不受曰讓路讓畔獨古人事

哉友人子沃某幼失怙艱於資以租穀助之遇歉歲仙人還租聽其自便歲逢大比有無力應試者每給其費年八

十四卒

乾隆志

同時鄭士傑士喬世浩世魯皆負鄉望

采訪

任鼎賢字人玉生有膂力天啟間海寇至虜其弟鼎才去鼎賢奮不顧身持刀直前斫賊賊膽落棄鼎才去奔竄林莽鼎賢復搜殺之時人咸歎其勇烈出於至性焉

采訪冊

劉可立年十七失怙繼伯父爲後伯父卒事所後母竭力不怠時本生母家少落無以供養晨夕乃泣下曰吾敢忘所自哉跪告所後母迎而養之合爲一爨終無間言妻陳氏承可立之志事兩姑咸得其歡心里黨稱爲孝子孝婦同時邵崇顯字近塘少孤事母孝每事必稟命而行母卒

有老婢馬氏臥病崇顯爲躬治湯藥曰吾母在時賴此婦以代勞者也遂厚待以終其年

唐志

王大豫字貞所母病刲股以進病愈因謂人子不可以不知醫遂研心岐黃之術以濟人尤好讀書推獎士類後子孫著聲庠序人以爲孝子之報

唐志

鄭廿六與其兄饒七甚友愛饒七爲縣掾以事累羈獄逾年廿六赴恤刑者泣訴冤狀凡十數上始聽鞠得實乃釋饒七復爲郡掾而廿六一身任家事同爨三十六人秩然有序鄉里皆稱道之饒七妻王氏知書能算諸孫誦讀晨夕訓督年七十六而終

唐志

潘世寶母袁氏疾甚割肉爲羹以進母竟痊郡縣詳大吏

給粟帛匾額以旌之

唐志

虞興詩自幼孝友父病劇一夕焚香告天刲股和藥父嘗

之愈令張琦書孝行可嘉匾額以表其宅

唐志

張文之父榮爲縣役年六十六解盜犯潘少李百一自省
返少恃其勇脫焉解者代繫獄待絞蓋三年矣文之切齒
痛心誓覓潘少所在凡人跡可到之處靡不周歷至台州
少已贅蔡家畧易名曰韓仰山文之乘雪夜直搗其室大
呼潘少少膽落四顧欲逃文之對頸加鈕而歸邑令龔彝

異其事厚賞之榮得

唐志

劉廷式字君則少孤事繼母以孝聞見鄉里貧乏者多周
恤之崇禎十三年邑大饑出困粟以賑又捐貲修新興關

工部郎范我躬歿於京邸其子貧無棲止分己宅寓之不計其值子上庸諸生工詩古文詞

唐志

金志榮字小峯崇禎間歲歉志榮設粥賑三月餘又嘗捐貲築畧猛江外塘一里許捍衛潮汐鄉人得以耕種其同族志顯字聖宇靈巖石方硯圮收穫歉薄里長積欠額賦百餘金志顯以己貲代輸里長與各戶出田立券以償卻不受縣令嘉二人義各贈匾旌之

唐志

華明義字魯卿一字渭南顏之從弟自定海徙鄞天性孝友事親必盡其誠與兄弟怡怡相愛及兄弟既歿獨營葬祖父母敬事寡嫂族黨不能婚者爲之聘妻誨從子夏尤篤擊令一意力學每夜半聞啞語聲輒欣然自起慰以茗

果多購書籍使之博覽夏由是文譽日起爲倪元璠黃道周諸人所契賞皆明義有以成之也卒年八十一

郵縣志

國朝

任鼎才字人英諸生

國初海寇騷擾鼎才首倡團練守禦有法寇乃遁一鄉德

之年八十三卒

唐志

謝泰履字天懷瀚之子恩貢生天性孝友父患癰疾爲咀
舐以解痛里役之供皆自任之俾兄弟及羣從力學無內
顧憂旣而以治生致富增修學宮治靈巖塘路葺長山橋
尤好周人之急縣胥朱若海負軍債欠不能償奪其子去
妻泣於途泰履聞之解橐遣人贖歸歸來甯昆季家貧停

親喪已十年泰履詢其葬費如數贈之卒年七十七

彭邦憲撰

行子廣昌字起臣年十二母死執喪如成人事父妾無間

言長而嗜學能文新梓山文昌閣復其田畝爲朋友講業

地中順治十一年舉人卒年二十八岐昌別有傳

謝榮交撰事畧

謝恩榮字惠海性孝父臥病問父何食父漫曰瓜耳時大

寒卽疾走盤畧溪側號泣於天頃之上流浮王瓜至恩榮

濟而接之歸奉父食病竟愈明崇禎十三年詔舉賢良有

司以恩榮應恩榮引其友指太陽曰此日中青奈何爲崇

不越十載吾輩恐容身無所奚以讓論朝廷爲後邑令三

舉寶筵亦弗赴卒年九十餘

天恩集

謝陞字廻瀾幼業儒淹貫經史遭兵燹專岐黃以濟世有

習捕蛙者陸與田數畝令其改業鄰居於學淵病卒越一日復甦招陸告曰我詣城隍廟見牌示謝陸應旌未數日郡守崔某給以當世盧扁額海寇毀永濟橋陸捐金創造

事載永濟菴碑記

唐志

謝泰定字時慧瀚之第四子諸生幼穎異叔父清鍾愛之欲攜之官以慕父母不忍去父病藥餌寢膳起居滌濯皆身任之不解帶者兩月及病愈衣蝨盈掬父見之流涕焉兄患痰疾泰定不離左右及婦生坐蓐亟始一入視鄉有胡某逆於父宗黨側目泰定正色叱之反覆諭以大義其人泣悔卒成令子遇歲歉定闕戍兵因外餉不至脫巾欲變泰定召富者與謀令聚粟公所使司市者平其值邑

以安丙戌後營別業日杜門事著述卒年五十九子榮昌
別有傳克昌字用高諸生性孝母懼雷克昌既授室每中
夜聞雷必起侍母寢旁達旦乃巳年三十卒

乾隆志

謝燕昌字翼之泰臻子諸生天性孝友父死於寇燕昌覓
尸海上號慟幾絕母病三年日侍臥起夜輒顛天祈自代
及母卒廬墓山中與弟申昌兆昌雍睦終身後入太學試
高等授州同知家居喜義舉邑東岡磬西接鄞東錢湖其
中有渠歲開磬版引水灌田數千頃版分上中下從下而
上勤爲首奉化次之定海又次之旱則湖水淺不達渠雖
啟上版而於定邑未有濟也燕昌言於令王元士曰錢湖
國賦三邑供之願定獨不沾利是浮賦也請易版居底於

鄴無害而吾邑實百世之利元士大然之遂條上巡撫如
燕昌指竟得請湖渠通流民咸頌之盤畧爲秦邱奧區樵
蘇饒於諸鄉然溪阻而長淫潦時發人至經月不得行燕
昌出資鳩工巉者削之注者培之水深且衝者橫以短梁
填以巨石而二十里險道以夷生平尤好隱人惡一夕盜
劫百金去事旋露乃裨帥之卒也燕昌恐累其主官箴不
之計帥頗覺之將按以法燕昌力爲解釋先是避難深山
彙中資爲土人所竊燕昌知之弗問後事平其人自愧服
願以田償燕昌立取券焚之自兆昌官御史子緒彥成進
士燕昌恂恂自下無異諸生時非邑有大利害不以尺牘
入公府母爲尙書薛三省女三省旣歿代贖其遺產又以

三省曾孫克聖幼孤爲扶持成立復刻三省文彙其篤於

母家之誼如此卒年五十五

陳廷敬撰蔡志參謝緒彥撰行述

張聖選字晉業鳴喙子國子監生授州同知性孝躬營親
墓於鄴東錢湖以蘆葦爲廬處其中不忍去尤輕財好施
從伯某死遺孤寡甚贈以金令貿易未幾資盡又贈之如
是者三崇邱李氏鬻男餬口亟予原價俾贖之歸邑小兒
患痘疹延名醫遍視危症又修騰蛟起鳳二坊邑令唐鴻
舉記其事年六十焚篋中券以自壽後有持二十金來償
者堅不受人以是益高之子學伊自有傳

乾隆志

鍾國珍字曰珩性孝友尤好周恤順治初明魯王據翁洲
其將多劫掠國珍三子泰和及縣役二人俱被擄國珍先

贖縣役後及子翁洲陳某挈妻子來鎮邑無一椽庇身國
珍割宅居焉及陳死給葬地復以病中書券還之小門村
人王某迫於逋負將鬻其妻夫婦號哭國珍聞之代償其
欠且畀以穀俾得完聚時比之姚江王華尙書邑令朱承
命延爲飲賓額曰隱德昭音年七十九卒

唐志

林大克字承烈少力學不遇遂棄舉業習耕家漸饒每謂
人曰多財爲累吾豈擁此自贏將畱以致用也於是塘堰
傾圮者修築之親鄰貧乏者周恤之順治四年大饑煮米
以賑多賴存活積券盈筐一旦盡焚之語其子曰吾不欲
以不善遺若等也邑令鄭元成欽其行誼舉爲飲賓

唐志

虞一稷字仲參力田營親少讀呂覽得耕植法所穫日豐

歲饑藉以給資殞者甚衆嘗訓子二球曰吾過學宮仰瞻
椽桷朽蠹將頽有志更新而未逮也汝識之後二球成進
士官歸以俸金修毀序曰先人遺命云

唐志
墓

陳國翰順治初邑遭兵燹歲游饑國翰罄所有以周嫗族
命子應孫應凱應豐應和析居各自餽口應和不忍離父
獨肩孝養家日起請諸兄合爨孫凱謂何堪以室家累汝
堅不可應豐曰季亦須有輔遂同居協力經營以事父生
膳死葬皆盡其誠應和卒子貢士誠體父志終與伯同居
兼禮諸父兄人以爲孝友睦婣一門三世云

乾隆
志

曹嘉文字永昌世居柴橋順治間海鄉多虎患嘉文一日
同季父入山採樵忽有虎自叢木中出攫其季父去嘉文

奮不顧身力持虎尾且以斧斫其鼻虎痛舍之而奔遂負
季父以歸里黨咸歎其孝

采訪
冊

沈匡斗字會官煥之後諸生事親素以孝聞順治十一年
應鄉試父邦靖暴疾卒聞報嘔血倒地移時方甦勺漿不
入口踰踰抵家痛哭淚皆血而喉無聲矣及葬斗匡猶扶
柩入穴翌日謂家人曰親歿不奉含斂今猶氣息奄奄不
克盡人子禮我罪更重兩兒長可識之語畢死時年三十

六妻李氏撫孤守志事見列女傳

唐志
彙

張武曹字希哲諸生順治十三年海氛未靖長子有成姪
翰侯俱爲賊擄索贖金五百武曹罄產僅二百金請先贖
其姪曰吾弟已死僅有此姪賊欲歸其子武曹不肯泣曰

願畱子以歸姪賊感動並歸之十一年邑大饑自蘇州運米數百石貸於鄉家以一石爲率不索券上傅村有節婦傅林氏家甚貧武曹以腴田八畝給之今其子孫於清明日必詣武曹墓拜焉唐志鄭廷傑字君位亦以義行稱誅任士林字晉卿務農爲業有至性母厲氏病割臂和糜進之遂愈未幾母復病士林欲闔戶剖心療母刺血淋漓昏暈仆地家人知而救之得甦後大吏以其事聞入忠孝祠

采訪冊

莊重鐸字次木康熙元年冬鄰被盜劫鐸毅然曰同井守望有相助之義可坐視不救乎遂率弟秉公糾衆禦之而股爲盜矢傷卽殞命鄉人稱爲義士唐志

莊機字沛九食餼於庠康熙二年海寇鄭成功掠甯波機

年十四被擄總督梁某

梁康熙間破海寇鄭成功乃總兵梁化鳳非總督梁某疑總督係總

兵之誤

破鄭寇見機氣宇不凡畱肄學越五年自閩歸家貧

夜讀日耕以供菽水母疾百方調護醫云不治機卽剖股

和藥以進母疾遂瘳鄉人羣稱純孝

乾隆志

金英字仲三諸生嚴毅侃直人皆敬憚母吳氏病危躬自

調藥切人參落一指不自知也康熙間與同庠陳帝胤湯

爾昭建立梅墟義渡并捐置祀田請邑令陸敬德樹碑於

渡頭庵門以紀其事

乾隆志

莊孟浩字參宇性孝友樂推解鄉人其稱長者時設有彰

善臺巡按舉浩登座以寵異之年九十九歲知府岳登科

表其堂曰恭壽弟孟斌字維才諸生五世同居家人無異言卒年九十七郡守李廷機顏其堂曰年高德劭

乾隆志

楊衍慶字遠之幼有文名康熙二十四年爲海寇所擄衍慶諭以大義賊奇其人欲畱之不從持刃逼之亦不爲動於是羈之數月不交一語義而釋之歸家值歲饑饉乃輟業經營以養親及歿喪葬如禮衍慶有兩兄而父母養葬

事俱獨任焉

乾隆志

陳學詩字二南國子監生父國相諸生天性惇篤明季兵燹凶荒闔門共數十人獨任其勞以給衣食及分爨盡以遺產歸兄弟鄉黨稱之學詩律身儉樸好施濟里中貧乏者嘗仰藉焉尤多義舉凡通衢津梁道途往來之所卽捐

金建亭砌路置橋以便行人康熙五十一年署令繆燧修文廟學詩督其役且輸貲落成之燧書樂善不倦旌其門雍正三年學使彭維新按甯波葺治府學學詩復董其事年八十卒

乾隆志

子昌晉字堯封以孝行著昌壽字齡九諸

生乾隆十六年邑大饑出米數十石爲糜以活餓者郡守胡邦祐甚獎勵之孫明善別有傳

采訪冊

石朝俊居瑞巖少貧苦爲邑城朱氏義子年十餘聞母喪大慟奔歸路七十餘里時多虎患人咸阻之朝俊泣曰母亡與亡何心畏虎竟抵家哭盡哀繼以血人皆奇其孝後以勤儉起家最珍惜字紙年臻八十邑令陸敬德旌曰海

濱望叟

乾隆志

朱嗣軻字完素襁褓失怙母珍愛之稍長就外傳出則倚
閭以待其歸夜則篝燈課讀壯年力學苦家貧以筆札事
戎行開帥幕而召之嗣軻弗忍離母辭歸質楮爲業暇輒
承歡左右曲盡子職母茹素嗣軻卽斷葷母病顛天求代
躬嘗糞穢孝養四十七年母亡哀毀骨立親畚築營葬以
母像與父像並懸於永思樓事之如生日暮必進食進必
跪跪必哀哭聞者莫不淚下生平行誼敦篤修家譜正喪
祭禮與人談忠孝故事極款惻年八十終遺命以衰經殮
至歿不忘父母

乾隆志

焦汝備居靈巖鄉軀幹雄偉一日隨父入山採薪虎啣其
父去汝備呼天號泣奮勇直前以拳毆虎父得脫虎口負

以歸傷重不得生汝備亦以力盡而卒鄉里惜之

乾隆志

賀子仁邑營卒少孤事母孝母病劇刲股見骨昏暈仆地見者呼之得甦扶掖至家和藥以進母病尋愈又子仁先世有從母之孝者遂冒姓李子仁念本生祖墓久蕪遍覓山中披荆棘得之泣拜墓下後臨卒謂其子曰必歸宗子

承命復賀姓云

乾隆志

胡某家貧父早卒稱貸以殮年十五僦屋翁洲之普陀山執業勞苦晝夜併作冀償前貸一日有鄰人涉海至以母命趣之歸途中言其母將去室以聘金償負待汝歸卜吉耳某聞之涕泣不勝抵家拜母默不一言急趨水濱奮白投海見者大駭亟援出逾時始甦負之還母子持抱痛哭

母曰兒心吾知之無然吾不去矣某血淚迸湧終不出一語里人爲之感泣羣酸金償娶者娶者毀婚帖堅不受某叩謝曰聘金不可不償衆情亦斷不敢負願立券加息陸續措償娶者始受半而去事定仍至山寺理舊業

乾隆志

方士奇幼孤家貧竭力奉母能得歡心凡赴宴會有饋未經母食者弗敢食亦不告人以故母年老病危士奇躬侍左右衣不解帶者半載醫藥所費囊無餘蓄謂弟士會曰送往事一無所備須更延數月始可措置母果延數月始卒其弟士會亦事士奇如父二人俱年八十餘終

乾隆志

蔡人能幼孤事兄士能甚謹兄病篤虔禱於神刲股以進兄霍然起母妻亦不知也廟祝有窺見者爲人言人稍稍

知問之則堅諱乘其醉視之刀痕宛然

乾隆志

江萬鍾字自修年十四補諸生天性孝友善事繼母撫異母弟教育尤篤以學行稱九應鄉試不第及年資當貢竟卒於道士林無不惜之

唐志

吳大琳字僕士諸生父嗜雞父歿終身不食遇祭祖必設雞哭奠焉女許字陳姓未婚而亡卽還其聘有族弟大璋親死無葬所慟不欲生卽以己田給爲葬地鄉里咸重其

行誼

乾隆志

胡錫光字友慶居小浹江性孝友父病劇醫弗效嘗糲以辨甘苦割臂和藥以進醫者見而歎曰吾視病見人子事親未有若斯之誠擊者父歿事母陳氏倍竭孝養母耄終

伏苦三載衰經不除昆季四人相友愛白首析爨毫無私

蓄年七十三卒

乾隆志

王玉符字枚二初名錫符爲邑武生棄去復更名試童子
府錄第一旋受知學使遊庠有不羈才爲文長於議論累
薦不售年強仕父病下消便濁醫者曰甘苦皆可治酸則
木枯嘗之果酸玉符日夜痛結於中父未歿而身已骨立

服闋日卒士林惜之

乾隆志

湯日志父年七十七病劇日志禱神封股父霍然起更逾
十年乃卒日志始艱於嗣晚舉一子名殿元年十八母病
亦封股療母翌日母愈

乾隆志

林文賜字梓鑒性孝友善事繼母母病篤禱天願以身代

繼母子竊聞以告母遂愛若己子後分析以良產與二弟而自取薄者鄉黨稱之

乾隆志

洪國楷孝弟力田母病經年不愈剗股和藥以進親嘗糞穢曰母不起矣痛幾絕母歿寢苦枕瓦三載不入內室

乾隆志

薛昌工書法乾隆間爲文昌縣典史事母亦以孝稱

薛志

李應翹奉母至孝母年八十病劇割股以療禱神願減己算益親壽是夕夢神錫齡而愈

乾隆志

嚴仁厚父爾錫貧不能葬母并無以自給仁厚時尙幼率二弟積義積樹行丐以養親稍長與人合買釣船往洋樵採下塗取魚蝦易米酒爲父歡凡時物出必市歸跪進父病侍湯藥弗離側及父歿乃以釣船併售於人爲喪費不

足又傭身受直得錢四千始得葬父并葬其祖母焉

乾隆志

孫繼祖字克繩生三載母亡父續娶舉三子父又亡後母嘗欲害之陰避外家得免年二十歸晨昏奉養彌篤母爲之悔改及母亡居喪三年不入內室人咸稱之

乾隆志

樂璘字宸欽業儒事母盡孝舌耕以資菽水昕夕不離左右務得親之歡心郡城有巨室以師禮聘璘以有曠定省辭不赴娶劉氏孝如其夫璘年三十五卒劉矢志守貞事

見列女傳

乾隆志

楊季芳字友蘭幼貧孝事父母遊闔起家歲饑親族孤苦者多賴全活已而復赴闔母病亟返積雪滿途赤腳破凍兼程歸至家母恙愈季芳病危泣語妻曰吾以母病自

蔡貽親憂汝當代予職遂歿後婦不負所屬敬奉舅姑終身如一日里人咸稱其夫婦之孝

乾隆志

石元龍一生足跡不至公府有負逋者不責償母胡氏身生毒疽元龍口吮其膿衣不解帶者匝月中夜頓天願以身代兩執親喪哀毀逾節里黨欲舉孝行以光賓席辭不赴有家訓示後人務以寬厚爲本云

乾隆志

黃士晉字時偕諸生康熙季年赴郡歲試抵旅店有一人持其行囊去因相似也而遺已之囊士晉啟之見有三十餘金終夜不寐及曙出城坐道傍伺之倏見其人踉蹌號咷來自言姓顧營生海上抵甯郡貨賣此三十餘金實一家父母妻子所待活者也今銀失決難歸矣士晉念其情

真輒還原銀其人請分半士晉笑曰吾若取爾半何庸還

爾金固辭不受其人泣謝而去

乾隆志

謝子敬家貧棄舉子業爲商康熙五十二年至松江販布

有牙張姓者以欠官糧禁獄謀鬻妻敬乃代償三十金其

夫設酒致謝夜半遣妻就宿敬曰我豈爲此獸行耶披衣

避走之鄞人萬經聞其事爲之記

案咫聞錄謝翁字子敬少入庠後以訟事避杭

州爲戚凌某司布肆於松江是歲夏往鄉收賬索貲二百

金路過村莊見人擁擠一門翁問之云若家欠官項監追

將十入歲女鬻富人爲妾女不忍分離哭絕於地翁聽之

惻然排闥而入問可退婚否身價若干其母云二百兩已

繳官媒然果有銀婚可退也翁曰銀尙可商而富人適至

衆告以翁之言富人視翁形狀未必有現銀乃曰刻能交

銀我卽退婚翁探囊中銀如數子之富人無詞而退母女

二人轉悲爲喜方欲詢翁居處而翁已去矣越次年秋復

過其地有一人見翁拉至其家厯言前事呼妻女出而拜

謝酌飲至醉假寐於書室夜半醒則燈燭輝煌其婦旁坐

翁大駭婦曰非爲別也伺思人醒後盥洗耳其夫亦率女至謂已探翁年五旬尙無嗣吾女當爲筵室今晚合卺可也翁權許之而答言家有繼室在不告而娶必有大礙待月餘而後可婚否則不敢從命其夫以翁素誠實信之事遂已明晨回肆算明一切簿籍託詞歸里後逾二年翁繼室連舉二十人以爲陰德之報其事與邑志所載微有異同故附 故人余姓者臨終以週歲兒託敬撫養授室方生

子病亡又撫其孤及長使歸余姓敬暮年好吟詠詩草成

軼乾隆志

徐大盛字際生父甯字敦樸謹厚自奉薄而好義舉大盛世其德貨不責償疾革時焚券五百餘金居家動履端嚴倫常雍睦舉子八人孫曾五十人百口其爨內外肅然邑令張珽慕其行延舉邑賓固辭堅請之訂孟冬朔行鄉飲禮先五日大盛倦臥竟卒珽聞之躬自詣奠旌其堂曰潛

德孔昭

乾隆志

吳大倫字人紀家頗豐好施子每於歲暮遣人負米分給里中貧乏遇冬寒雨雪有糴穀者必易米以便之遇喪不能殯給棺助葬借貸者酌量以應不索券計利邑令田長文書樂善不倦旌其門年踰七十卒子學儒學成亦好義雍正七年邑遭風潮棺多漂散學儒捐俞家畝田爲義塚收瘞之學成又以義塚餘地給僧布種爲祭掃資人謂其

兄弟有父風

乾隆志

范之屏字翰臣諸生持躬嚴謹與人相接雖盛暑衣冠不去常館武林有范文正公祠向無祀之屏出所儲館穀置產爲春秋祭雍正初疊遭水旱出資以賑同時華汝器亦

捐米一百六十石以濟饑民稱華善人

乾隆志

楊文滋字聖在諸生性孝友季兄病親侍湯藥三年後季兄卒無子以長兄次子爲嗣文滋爲之婚娶雍正初歲饑出粟賑之提學汪懷帖書國琛交推以旌其門

乾隆志

任嘉鈺字元鼎樂善好施雍正二年水災晚禾被淹至明年春穀種皆絕嘉鈺買穀一百二十餘石散給之一鄉咸賴之同族景道遇饑歲亦運米周卹貧者以義行稱

采訪冊

劉宗璟字紹宋孝友好善伯氏欲分析宗璟曰田可各半房屋兄家口多恐不足居因以二間讓之田以肥者歸兄瘠者自予兄歿珍惜諸姪備至人有借貸不能償者悉還其券雍正二年海湖淹沒田禾里多饑色盡以所存穀平

糶已至乏食不爲悔生平好古書多方購求其子後補諸

生宗璟年七十卒學使帥承瀛旌曰儒林金玉

乾隆志

張肇業字孟建弱冠補諸生後以明經貢太學性孝友事親能得歡心生平謙恭樸實自奉儉而樂於周恤里有楊亭廟嘗助田捐金以修歲祀又於廟左立義塾教里中子弟雍正十一年歲歉施粥一月餘當道旌曰義風可法臨卒遺命不索逋租悉還借券弟嗣業字仲昭歲貢生並好義有曹氏婦夫以不能自存鬻人爲妾嗣業以八十金代贖令得完聚又讀書普濟庵有鄭姓子鬻與僧爲徒贖之使歸人皆義之

乾隆志

胡大芳字瑞香好學敦行

國初海盜未平興役築城父元奇膺役首時甲夫凋敝不
忍催督大芳體父志鬻產僱夫完築其弟屢爲賊擄措銀
贖回家資盡而竭力孝其親甘旨不敢有缺父母歿喪葬
俱循禮鄉黨稱之雍正二年海水溢棺多漂流大芳糾同
志造二石塚收瘞之且置產爲經久之計郵人仇兆鰲題
其居曰貽穀年八十餘邑令舉爲鄉飲賓子應仁字靜菴
好善讀書里中從遊者甚衆乾隆元年充歲貢生年七十

四卒

乾隆志

吳大璋字碩彥十歲始能語家極貧舌耕以養父母館隔
家數里暮必歸省溫衾扇枕親滌溺器嘗幕遊松江未兩
月母病大璋感於夢卽踉蹌歸曲意調攝母遂愈父病日

叩天哀禱父亦霍然起雍正二年海潮橫決近塘墳墓皆漂壞大璋親塚獨完僉謂孝感所致大璋工書法非忠孝節義之言不舉筆人皆珍之康熙六十年督學馬豫以永言孝思旌其間大璋一子三十二而天妻陸氏苦志守貞遺孤十六歲亦能服勤養母

乾隆志

謝緒悖字子敘景昌子自幼簡默端重口無謔言弱冠補諸生父歿事母益謹以序當出爲從父榮昌後感然曰母在吾忍一日離哉必不得已請事吾母終天年而歲時祭先以嗣子居攝族議是之所後父僅一女適管氏寡而貧割所分田數十畝給其子處兄弟間怡怡友愛待人以寬厚御事以廉平邑中咸目爲長者雍正七年舉鄉飲禮有

司素知其賢列狀以上牒下令親詣學宮齋肅延請觀者

歎爲一時之盛卒年八十五

乾隆志

陳明善字復初學詩孫諸生乾隆十八年大成殿爲颶風傾圮明善捐貲佐邑令喬序駕建造之越二十年復佐邑令張亦修明倫堂族母倪氏早寡家貧子死爲迎養於家終其身鄰人某嘗領官錢四百餘貫往蘇州採米數奇折本罄產不足以償明善憫之因賣己田代爲繳納鄉里咸稱頌之年七十二卒子廣恪字備三諸生性孝友工制義邑之英俊皆出其門孫修鼎別有傳

采訪冊

陳兆鼎字仲達年十五父殿遴無辜爲吏所辱憤恚死兆鼎雪夜扶柩歸令兄弟守喪而自控於大府吏賄大府不

爲理其母日夜悲號兆鼎跪請曰有子三人而使父含寃
地下何以生爲兒願走京師擊登聞鼓雪父恨恨不雪不
歸矣母以其年少又貧乏貨難之兆鼎不顧挺身獨行持
芋魁數十枚日食一枚徒步至京足趾盡裂無所依行乞
於市父執林文卿適在都見而憐之爲之計畫以狀聞刑
部吏卒抵罪去母性嚴家人不敢笑語兆鼎惟以愉色婉
容事之及卒哀毀倍常叔母久分居以不慎於火延燒兆
鼎屋懼而奔兆鼎慰以火由天災邀其同居受養後復爲
其子娶婦并授以田所居海濱鄉人每苦旱澇兆鼎相度
地勢築堦闢洞堰凡七處斥鹵遂成膏腴萬弓塘河淤塞
兆鼎督衆挑濬二十餘里併建七橋以通往來大年潮漲

因挑濬之泥培高塘垣田禾得免淹沒人盡德之膏寓杭
州聞有鄰婦哭聲甚哀問之言逋負無償夫將賣婦以應
兆鼎輒招其夫至如數代償且給數金爲餬口計又於海
上遇颶風見有人隨潮漂至兆鼎大呼能救者酬以金人
隨赴救負至岸踰時乃活及酬金救者義不受卽以給溺
人其好義類如是年七十卒子寅一名志鴻諸生好鬪卹
窮乏乾隆十六年歲祲食及草木邑令王夢弼勸富室助
賑寅家僅小康首捐米三百石與里人張爾達倡義設廠
施粥由是各鄉富民皆起而樂輸全活甚衆夢弼嘉寅樂
善好施咨請大吏請敘貢生

秋桂集參
乾隆志

丁煥章字允文監生個儻好義族有孤寡給以產有不能

婚者爲之聘娶不能葬者給以塋地鄰里鄉黨有貧乏假

貸無吝色雍正間邑令張珽

案原作珽今據邑志選舉改正

褒美之志

陳志縉字爾顯雍正初海溢破塚漂棺骸骨多暴露縉於所識者爲之標葬此外出資備棺窆悉埋古墩壇鄉人咸

高其義

乾隆志

華元鼎字象九諸生雍正癸卯甲辰間連歲饑鄉里多流竄元鼎施米粥以活貧民有傾橋圯路輒捐資修築年九

十四無疾而終

乾隆志

任成元家貧業農性孝友妻偶忤其母必撻之曰不得姑歡何以婦爲母病日夜侍湯藥不離側及母卒哭泣甚哀亦相繼死殮時見股上有剝肉痕未合蓋和以療母人莫

之知者初其弟出就外傅去家數十里每月薪米成元皆

躬負以給之鄉人嘖嘖稱其賢

采訪冊

張學伊字莘求聖選子由監生授州同知性孝友父嘗患癰以口吮之事繼母先意承志能得其歡祖鳴喈遺彙散佚學伊悉心搜訪裒而錄之仍其名曰山舍偶存課子甚嚴多購書籍以資攻錯他如郵貧賑饑施藥捨棺建陳山義塚塔造梓山惜字爐並稱善舉巡道孫詔手書品重海邦匾額贈之乾隆元年徵舉孝廉方正三年郡縣延爲鄉賓不赴年六十五卒子懋建懋延自有傳

乾隆志參
陳志彙

鄭光燦字聲宏乾隆元年恩貢博學能文性尤尚義有友死孤寡不能存活光燦集同志謝繼祖胡軒相周仁壽

各助田二畝資其衣食族弟婦虞氏新寡憂貧涕泣光燦
卽捐已田周之虞父聞而興感亦買田數畝以濟女遂得
完其節人以古義士目之

乾隆志

林芝巖性好義康熙間竈課俱場征歲三月卽迫全完由
是竈戶貧者困於丁課十竈八九芝巖願於大府限四月
完半十月完全有田納課無田免糧情詞懇切大府從之
民至今稱便焉

乾隆志

黃睿字顏聲亦以義行稱

采訪

鄭廷秀七歲父卒母莊氏守貞不嫁家窶甚廷秀每食必
先以奉母比長勤於治生次第營治先塋尤好施與故舊
貧乏者必周之母舅卒遺孤二尙在襁褓爲迎其母子居
焉長各授以室兄振公早歿其婦嫠而貧廷秀養於家以

完其節有螟蛉弟某夫婦相繼死遺二女廷秀撫之長配名族目令已次子爲之承祀里人咸稱之子朝宗字南溟諸生工制舉文性喜義舉歲遇歉收捐粟以賑他如新文廟修書院建同善院施棺掩埋皆捐資爲創邑令王夢弼欽其品誼請於督學于敏中遂以優行貢成均乾隆十七年與修邑志充校對之役元孫熙自有傳

采訪冊

劉仁榮字漢因母孫氏年三十而寡茹荼服勤撫字以養以教家規肅然母年八十餘子孫食指數十仁榮與弟仁宗仁耀仁祖俱皓首終不析爨每朔望必率家人請母登堂訓誡咸奉命惟謹人皆稱母之賢與仁榮等孝友後仁榮卒其兄弟皆合葬云

乾隆志

沈學正諸生侍母疾十年尋釋方書得其理母痊卽以濟世其鄉賴東錢湖水利郵人私改舊制漕不及鎮邑學正力復啟閉法又督濬河工田禾乃得資既不匱鄉里咸稱

頌之

乾隆志

華文銓字文翼諸生日書經傳格言揭諸垣楹以自勉勤儉操家得資卽置棺廣助人之不能殯者

乾隆志

湯日貴胸次平坦好獎成善類勸愚頑里有爭訟者必曲爲和解使各平其氣人皆悅服比之王彥方餘若救災恤困砌路修橋鄉人尤多利賴年八十六卒

乾隆志

嚴正禮字恭仁幼孤年三十始娶勤儉治家好矜恤孤寡邑令田長文延爲飲賓以力追醴古額贈之年屆九十三

與婦齊眉一日集子孫於堂序次而跪子三孫十有二曾孫八元孫一道生平行誼令毋忘所言翌日卒

乾隆志

李世榮字百齡明指揮千戶唐之後爲人謹厚與諸弟友愛其闔門食指甚繁世榮爲家督治之有法乾隆六十年世榮偕其弟世開世達世華皆年逾八旬巡撫吉慶書商皓萼輝以獎之并疏聞於朝奉

旨賜壽寓耆英匾額鄉里以爲榮

采訪冊

余一鳳居心正直一以謙讓教人鄉里薰其德鮮有爭訟者子守貴克承父訓化俗善良年七十邑令以雙峯並峙旌之

乾隆志

虞嗣槐諸生性孝友父母病虔禱願以身代親歿遇春秋

祭祀必泣有從兄以重貲寄槐處值鄰火俱燬獨守兄物
完璧歸之從子廷侃卒貧不能葬嗣槐予以地其行誼爲
鄉里所稱重焉

乾隆志

完有恆字我表諸生讀書冬夏不倦一日見鄉人延醫者
醫先訂酬金而後往有恆慨然歎之檢醫書發憤研索遂
大悟有延者輒往治分毫無取遇貧家更周急之年逾五
十卒聞者莫不流涕

乾隆志

劉緒珪字之翰克敦庸行父母歿夢中猶時作呼親語與
人交推誠布公取予然諾不少假性平易不設城府鄉里
多親之邑令楊玉生旌曰懿行可嘉

乾隆志

任起元字茂林生平多所矜恤一日渡曹娥江見人欲赴

水急問故稱自杭舂米回積銀六兩藏行囊中抵家開視
皆石塊室人抱怨子女幼穉無生理不如死起元勸諭邀
至族邸以己銀如數給之其人歎謝而去起元初艱於嗣
後舉五子曾元四代年八十九而終

乾隆志

張學貫字博源諸生少失怙母寡居竭力奉養及終日夜
號哭三年不入內室兄弟析財產學貫不言厚薄多寡
年未四十妻亡不續娶躬撫幼子成立族中有匱乏者竭
力扶助每年租稅半爲賑恤費貧未能葬者給之塋地子
二人並補諸生

乾隆志

劉國才字朝棟力田務本性和易好施與收穫有餘輒以
贍族黨中孤寡者間及濟饑民埋棄骸人多頌其德將卒

猶諄諄以積善勸其子懷瑛懷瑛亦能承父志嘗築海晏鄉官路二十餘里砌以石人呼爲劉老隄他如修橋鑿租煮賑諸義舉歲行不倦云

乾隆志

胡俊杰天性謹厚家貧早失怙勤身養母販於海稍獲資足供菽水不再出以慰倚閭望嘗有佃者死往取租其兄指髮曰俟伊嫁卽償俊杰瞿然謂髮曰若能苦志守貞吾田二十年不取租書券付之竟不一至其廬陵竟得終節撫孤成立俊杰以子維炳貴贈戶部主事

乾隆志

曹文英乾隆間邑有買穀之令凡民有田二十畝者官買其穀二石田多者按籍遞增其始本備歉歲平糶之用久而官吏抑勒浮取比戶嗟怨文英控之府及行省積四五

年上官洞知民艱遂革其弊文英竟以此斃於獄聞者痛之同時船戶金文貴因縣吏新設減割船梁之例每各船停秋稍有修理輒指改造商漁困苦不堪乃歷訴上官得勒石永禁而文貴由是傾其家鬱鬱死

采訪冊

丁掄芳字亦衡事兄最篤兄死奉寡嫂以成節家非素封有嚴姓者貧甚母老子弱束手待斃掄芳聞而慨然給以田六畝不取租其家賴以生全

乾隆志

陳學禮字行之附貢生學詩弟居家孝友爲人和而介非公事不見長吏非輸將不赴公庭邑南鄉火旁舍爲其貯穀之邸有米百餘石奸民乘機攫之去學禮知其人而不問鄉鄰被災者贈以銀佃人有遭喪者獨其租里婦貧而

願守志者歲爲周卹待其子壯而後已焉遠近皆稱頌不

置年六十九卒

乾隆志

子昌運字時遇諸生四歲母施氏卒

輒哭泣如成人及長事繼母趙氏張氏皆以孝聞兩繼母

家後皆式微爲助田供其祀尤好義舉若鯤池書院及太

邱海晏兩鄉橋梁其建造皆輸資不吝卒年七十二

采訪冊

陳學可好義樂施同村某姓向有數十戶後漸消亡僅存

一丁年已三十六窮而無妻學可贈金令聘妻以衍其宗

生平精醫術遇貧者殫心救療未嘗望報人多德之

乾隆志

唐惟忠生平好義舉尤喜鑿井以利人取汲自四方橋至

磚橋桃花關靈橋門及東塘岸至育玉山又自駱駝橋至

覺度寺山嶰浦觀海衛凡遠近其建石井八十五處人皆

頌之至今咸稱唐井

乾隆志

石逢貞字興符幼孤事母孝宗黨間分甘咀苦友卒貧不能葬割己生墳以予之遇無力婚配助以貲不受其券每

於春夏間減價糶穀復給窮民口糧及死哭者載道

乾隆志

劉懷瑛字蘊山家有田千餘畝歲所登不使自有餘餼寡孤獨多賴焉每值年冬里閭饑餓潛給以食復喜建橋砌路鄉人義之同時沃又阮性好施佃人貧甚母死無措又阮適收租入其室聞愁苦聲遂捐穀十餘石與之聞者莫不歎息

劉懷惺撰傳

劉宗祺

案乾隆志名文臣

諫字文臣居崑亭母病延醫治之醫射

利病轉劇宗祺夜禱北辰引刀割其股肉作糜以進母食

之遂愈後宗祺之妻病子琨

案乾隆志作仁琨

亦割股療母鄉人

謂其世有孝子

劉僕怪撰傳

鄭光初字國楨性好義嘗建化紙關乾隆十六年甯郡大饑光初首出粟賑貧民遂得安邑令王夢弼詳大府議敘爲貢生鄭氏舊無宗祠光初出貲倡成之復助田一百十畝以養族之鰥寡孤獨又以田十畝贍其小宗之讀書者又增益曾祖以下祀產及外家之絕嗣者計前後所出蓋幾耗其家之半焉

邱仲撰傳

族弟价字亦吳當光初創建宗祠而難其地价卽以己田三畝助爲基歲稔捐資飼餓者邑令嘉其義舉飲賓以獎之

劉燦撰傳

劉興周原名元聖國子監生性誠樸好讀書年十九而孤

弟妹多人遂廢書爲質遷計兼課弟輩耕讀其母患痰嗽疾每晨昏必喚諸弟環侍牀前問母寒熱飲食以教弟孝母尋卒居喪哀毀過甚先是值歲屢歉租入無幾婚嫁數四家漸落或勸令分居興周力持不可謂同胞而析箸後必有兄棄其弟者矣卽將祀外餘產編號登冊告其弟曰增潤則均沾虧折則獨任所願其成家道爲前人光諸弟皆飲泣誓同有無四弟杓以弱冠遊庠喜曰讀書有根矣雖破家何憾命從名師遊杓後登鄉薦三弟元勳客台州病歸卒於奉化南渡口尸至興周暈絕者半日舉家惶惑鄉鄰代爲搭棚於隙地安尸其下興周醒伏尸而哭必欲移入家堂衆人力格之謂冷尸入堂者主窮興周曰世之

窮人皆因冷尸故耶竟與諸弟扶入之是夕風雨大作棚
傾頽地上水盈尺乃相慰曰今晚幸免天譴若日被衝擊
吾輩先痛死矣何論異日撫遺孤極其愛護踰歲忽以時
疹歿折興周急選幼姪承祧親友擬欲待繼與周曰待繼
無非待產是利其死也於心何忍遂立之贍養弟婦俾安
心守節治家崇儉所衣不嫌敝緝生平無疾聲遽色遇拂
意事但一縷眉而已年五十七卒弟姪治喪視之如父合
家顛停吉禮三載

陳憲
撰傳

邱增光字嘉賓諸生父世榮候選州同知聚族而居每於
歲暮登屋側小山以望煙火見有一日不再炊者詢其食
指除夕給以半月之糧一日已就寢矣忽憶某家未與披

衣急起持至其家中寒逾日而歿是時增光尙幼及長有以其事告者增光承父志更推廣行之前此其父所給者惟同族及戚黨至增光義聲愈著每逢除夕遠近扶老攜幼而至者輒數百人增光酌量子之不稍却也有子六人孫曾數十而田畝無增歲稍暇必轉雜於人有贏之者答曰父志也不可不終我之事後子仲登賢書遂檢親友借券焚之約有萬餘金人感德之年七十三卒卒之日異香

滿室人以爲積善之驗

鄭謙撰傳

黃時清原名曾昌字鑑源任河南陳留縣典史慷慨有俠氣所積俸金以給貧苦親黨受惠者無算黃氏族大其譜自明季迄今未經纂輯時清重修之其費不下千金湖山

書院文潔公之主奉焉欲建造廂屋以爲義學惜遽卒於

官年五十六

邱伸撰傳

吳士璋字應我事親孝幼時至親戚家凡遇瓜果爲親所未嘗者輒攜歸以進年十五因父服賈客外卽廢書以已代之遇親有微疾恆輾轉不寐溺器必親自洗滌將出必屬其妻羅氏曰爾孝舅姑庶贖吾在外之罪後父病偏痺展動飲食不能自爲士璋偕妻朝夕侍側扶持調護歷久無倦親戚有貧而孤寡者時以穀米糶卹之遇道路橋梁圯壞輒爲修築卒之前年閱舊券計其不能償者焚百餘紙曰無貽後累邑令傅秀璋以德茂淵冲表之

邱伸撰傳

王曾傳居靈巖性至孝九歲時母殞哀痛欲絕抱幼弟曾

甫廬墓一載厥後父病朝夕祈禱求身代及父死哀毀一如母喪與曾甫同居白首不分爨曾傳病卒曾甫慟哭曰生爲同室死必同穴越十五日亦亡學官項郁青忻溥以人倫模楷旌曾傳兄弟云

陳修淦撰傳

劉玉德字漢良父允義早卒母張氏遺腹生五德以生平從未見父臨祭祀必懸像終日躬侍左右如就養者祭畢則爲之淚下不敢哭恐觸母懷事母盡孝六十年未嘗遠離凡有意指無不竭力承順舅氏張德輔力不能娶代爲之聘納成其家室姊適慈東周華潤不匝月夫亡貧無所依乃迎養以終其身母與姊團聚怡然竟相忘其爲寡者姊卒又爲置產立後見鄰里有孤苦者量力周卹之年六

十居母喪哀毀踰禮壽七十二無病而逝

劉杓撰傳

同時金絨

三國子監生弱冠喪父悲號毀瘠哀感傍人時祖尙在年八十餘緼三侍奉左右色養蒸蒸極資滄瀧之具必躬親母多病偃蹇牀簣藥石扶持數十年不少懈母好施子凡借貸無力償者卽奉母命焚其券云

王汝盛撰傳

劉元灑天性純篤母疾醫藥罔效夜禱於天引刀割其腋痛絕而仆時若有掖之以起者少頃神色定取肉煎和以進母疾遂愈久之事稍稍傳於外而元灑終不言暑月未嘗袒臂恐傷母心也有孤姪二撫之成立其長者偶夜行迷道至陳姓祖墓前投繯於樹而絕陳饒於財大恐急邀其弟厚賂之而猶慮其中變也將令人說元灑元灑聞之

召其弟至責曰汝兄自死污人先塋汝今復以此受人賂
何不義之至也乃自給錢使其棺衾殮而葬之鄉里稱爲
厚德餘如捐建宗祠濬河修橋造義塚施茶製藥義舉甚
多光緒四年以孝行旌子緒聆太學生經廩生俱能承
先志襄成義舉采訪冊同族劉緒公父得危疾刲股肉療之
家人皆不知也暑月裸體人屢問其創痕始知其故年九

十六卒

陳大任撰傳

湯宏恩字帝錫性孝友父維藩好施于宏恩雖囊無餘資
必曲意承順以博父之歡心晚年與昆季析箸適構新宅
盡讓諸弟自居狹隘晏如也人皆稱之謝佩賢撰傳同時莊明
德年十五失怙弟三俱幼家無擔石明德與母辛勤撫養

俾至成立及後弟兄和愛孝事其母教諭鍾清芬表其閭

曰壘篋念鞠

莊海六撰傳

范兆英字亦祥例貢生少時嘗隨父樵採息肩道旁父患渴歎曰得構亭以憇行人給漿以濟渴者吾願足矣及兆英長果遵父訓立亭置田施茶性豪爽鄉黨有訟者輒爲排解人多信服近鄉數十里由松浦出水入海浦久多塞水勢迂緩田禾常患淹沒兆英倡率潛浦咸賴其利年七十九卒

邱仲撰傳

同時王夔居靈緒鄉捐資掘偃月河開王錢

浦人多頌之

采訪冊

陸萬鍾性孝友父廷元羸弱多疾輒默禱於神乞以身代父享高年卒萬鍾哀毀異常姊適崇邱鄉樂某生一子而

身家貧萬鍾歲子之金以成其節後子又天輒迎姊歸養
之終身有弟壯年分爨生一女而其婦卒弟貧不再娶復
與同居白首無間官族中有無後者墳墓必代爲祭掃壽
至九十五卒邑令魏右曾以年高德劭表之

陳修性撰傳

周子才乾隆十六年村中饑荒子才煮粥餉貧人至兩月
餘遠近全活者無數邑令王夢弼咨大府議敘爲貢生二
十年四月天旱稻苗枯槁沿海農人對天號泣子才出一
百六十金買福田巷西田二畝僱工濬築接潮河水灌漑
又以三百六十金在菴西南建漏管一所并爲管夫啟閉
之費至今塘下數千畝田禾稼永賴其利

劉杓撰傳同時張爾

達以才爲鄉黨所推服歲大疫倡議爲粥以食餓者人

首德之卒年九十餘鄭清源亦濬湖賑飢以義行稱采

周斯道字予覺爲人好行義族艱婚葬者必給以資嘗建石橋名曰通陽行人便之善排難閭里爭訟聞其言輒釋

乾隆十六年大饑邑令王夢弼設粥廠令斯道董其事勤勞最著夢弼手書宗邦模楷以旌卒年八十二同時陳宗

璣散粟賑饑夢弼請諸大府賞以頂戴

莊海六撰傳

胡明科字勝拜曾祖學喬順治間官瓜州營千總卒於任樞在外久停明科每念之惻惻乾隆二十七年乃隻身遠去往返數千里匍匐扶歸明年鎮江大水廬墓多漂沒人益歎明科迎櫬之孝性好施歲饑發廩賑鄉里邑令徐培書清時翔鳳旌其門平居最敬師儒雖盛暑見之必正衣

冠無情容年七十二卒有雜著文二十三篇其嚴課子弟
論足爲治家格言禮宜從簡論痛斥世俗嫁娶喪葬以及
壽辰設宴生兒彌月奢侈無度之弊尤使人悚然知懼云
子于東字嚮晨國子監生能承父志與從兄于煌助田蘆
江書院并出貲僱乳婦收育嬰兒人皆義之謝潔賢撰傳明科
同族德邁幼失怙恃每憾不獲終養歲時祭必流涕敬事
兩兄至老不改尤能敦本追遠置祀田修宗祠族黨有不
克婚嫁及殮葬者必予之絕無德色卒年七十有六采訪冊
項萬方字孟君諸生事母孝病則躬調藥餌衣不解帶及
歿哭泣不離苫茨者年餘旣葬以母性畏雷每雷雨作輒
奔往南山墓所哭告曰兒在斯人勸其歸益大哭里黨皆

重其行誼每出行雖軍卒之悍者見之亦肅然加敬焉

楊人

慎樵 同族萬源監生亦負鄉望嘉慶四年海寇犯穿山城

萬源集壯丁日夜嚴守之寇揚帆而遁邑令魏右曾以義

高洽比匾旌之

李德楷
撰傳

胡于斐農家子五歲而孤事母以孝聞母病革呼于斐謂
之曰自汝父歿家赤貧賴我妹夫鄭茂立周卹之我死爾
宜事之如父茂立者以捕魚爲業居定海之六橫嘉慶初
海盜蔡牽亂茂立被掠其子二人皆出外于斐聞之往慰
其家人曰我力能出諸盜幸勿怖于斐既歸別其妻妻愕
然曰君此行爲從遺命也雖然今一去無還理妾不足顧
其如先祀何于斐曰吾有二子在不何憂我志決矣死無恨

遂毅然去至盜所盜將殺之于斐大呼曰我爲代父而來
豈懼死者盜問其父名引之茂立處跪而大哭稱以父子
茂立亦相對哭于斐乃謂盜魁曰我年壯父年衰以壯易
衰不亦可乎盜以爲孝許之于斐又泣請曰我來沿途受
阻願死者數矣今老父雖歸恐不得生奈何盜給以旗茂
立卒歸如前言越三月盜賞中秋大飲于斐乘其醉脫身
走走七日乃抵家時夜方靜近二更羣雞爲之爭鳴鄰里

咸以爲義感

黃以周撰傳

王敏政由行伍官外委性至孝父宗懋歿時奉派洋汛不
獲親視含殮痛不欲生母康晚年失明服食器用必躬潔
以進康壽九十八歿時敏政年六十二哀毀如父時父葬

在候濤山至是母死格於日者年七月不利之言藁葬墓左
每夜必至厝所一大石跌坐達旦雖風雨寒暑無間迨合
葬先後六年如一日石爲之光澤可鑑母嘗畏雷聞聲卽
奔赴墓前跪曰兒在毋恐山路故僻險久之成蹊土人
爲鑿望母徑於巖壁又呼曰王孝子路敏政卒年七十一
子大成爲千總贈兩世如其官

陳志
藁

謝佑嵩與其弟佑高佑明皆事親孝母病兄弟三人日持
齋虔禱於招寶山觀音大士歷半年無間晴雨母病果瘳
邑令徐某以孝行可風匾額旌之兄弟終身不分爨其子
姪能繼其志至男婦數十人猶同居云

宋訪
冊

傅思順事親素以孝聞父母有疾先後割股和藥以進兩

居親喪廬墓各一年鄉鄰咸稱爲傳孝子

采訪冊

鄔尊字商珍優貢生樂善好施族父昌隆死妻王守節撫子娶婦張而子又死尊以大義諭張且饋之粟王死爲之請旌宗人茂才死妻張少而貧有勸之他適者張抱孤泣以告尊厚周之祖祐少喪父母不能自存尊育而婚之昶幼孤依叔居比長析產久矣叔死負百金索償於昶將質其宅母老不忍去尊爲清理逋債以養其母汪孝昌聘尊族女不能娶其父母別受聘尊知之還後聘者金迎女居己家長而歸汪又捐田五十畝以卹里黨寡婦又建靈山書院嘉慶十二年巡撫清安泰以尊義行聞於

朝

賞同知銜

王宗炎撰墓志

虞蓼幼孤家貧從母養於張某名華封質慧善讀長以張
姓應試補諸生旋餼於廩從學者日眾咸稱爲張先生心
恥之因復本姓自名曰蓼蓋思親之義也時母卒有年泣
謂於張欲以柩歸虞氏與父合葬張堅不許蓼日夜號慟
一日以刀刺頸血涔涔下人急救以藥得不死自此如狂
如癡披髮哭於市久之竟死鄉里多哀其孝

宋訪

鄭增元以縫衣爲業嘉慶間父兆豐客死遼東增元聞之
痛哭挾其技出門得至遼覓父骨負以歸時關禁甚嚴一
日關吏手其囊將啟之忽昂首如有思撫其背曰去去自
此所過無阻每止逆旅主人必具兩人餐詰之詔曰頃見
兩人入彼黎而長者何往耶增元深知其父恐駭人聽聞

急亂以他語既而抵家營葬如禮人稱其孝

宋訪

樂涵字海門幼刻苦好學熟習諸經長而工制舉業後進多從之遊由舉人官景甯教諭尋歸里凡築塘建閘諸義舉多爲之倡云

宋訪

包仁義字廣大監生父復初卒時母周氏有娠越六月生仁義其名卽父之遺命也家貧母撫養之旣長業賈温州稍有積賞而母已沒乃狀母之節行願有司請於朝得

旨旌如例值節孝祠傾圮仁義遂慨然重修之并修忠義孝弟祠費至二千餘金縣令欲爲詳請議敘固辭不受復訪先代祖塋有絕嗣者置祀田令族人輪值祭掃又以少時嘗荷舅氏憫恤至是內兄不能自振爲教養其子竝

授之室其他親友以緩急告與之不吝見寡婦孤兒周濟
尤至性好讀書操籌之暇輒手一編閒亦喜爲詩文所交
遊者皆當世知名士與人言必以爲善相勸晚自署岫岵
以志痛每念及母氏泫然涕下著有永思集青田端木國
瑚爲之序道光三年卒年六十二

黃旂撰
墓志

張錫冕字秩士校均子諸生博雅有高才通經義精於句
股之學并工書法篆刻名重一時尤篤內行兄錫路嘗以
家難遠遁錫冕束裝遍訪後知兄避地在羅浮親往粵東
迎歸父患疾侍奉湯藥衣不解帶者四月父歿數日不納
酌飲哀毀骨立人稱其孝性最慷慨好施戚友有貧乏者
每以買文所得錢給之復借耆老修鎮江塘卒年三十九

同時李恭洩字宜甫諸生亦孝友能文尤以詩稱采訪冊

鄭熙字敬亭一字鏡淨朝宗曾孫案趙光樸壽序大父魯泉先生父樸庵先生並

名諸生樸庵幼於學竟以是厄其天年諸生事母最孝案趙序君未冠卽失怙善事其母陳太恭

人母病肝醫治鮮效研求古方親製桑麻丸服之遂愈又

項下生癰親吮患處搗藥醫之數日平復性尤好義道光

間番舶犯蛟關出資添築土堡議敘通判案沈桂芬撰壽序庚子秋番舶

大至君出資練勇親自督率與官軍協力防禦歷百二十

晝夜不少倦又案趙序次年復奉大吏之命於北城添設

上堡捐金督役不恤勞瘁既而海塘傾圯復與同里王咸章捐錢叁萬

餘緡晉府同知案沈序城東北隅有海嶽久圯壞居民以堊溺為憂謀修葺之君擇其至要者

築百餘丈大工藉以告成後粵寇變起大吏議籌餉精熙首捐錢壹萬

貫以充軍儲加知府銜案沈序粵匪擾金陵軍書旁午籌餉孔殷君輸錢高緡為一邑倡

餘如濬城河賑饑民義舉甚多里黨皆稱頌之

樂趨序道光庚寅邑

有修城之役君稟命於叔父出九百金爲助壬辰癸巳歲
遠設爲粥以食餓者全活甚眾庚戌春米價騰貴首先出
粟以施待給者不下二萬餘口他如修學宮濬泮池無不
樂輸以成其事至族黨親友之貧乏者歲有輸月有饋婚
葬有飲助更指不勝縷焉又案王引孫撰行狀邑中同善
院自君先高曾祖暨鄉先輩捐建義塲備棺施捨日久漸
就廢弛君集同人重申舊約并於院後添建
三楹俾無力厝葬者有所置棺免致暴露卒年七十二
子賢坊同治七年進士授檢討孫綬祺鍾祥俱舉於鄉蓋
熙爲善之報云

采訪冊

黃喬年字麓樵性孝友母病刲股以進弟卒痛甚爲詩哭
之至百首名曰斷腸吟年三十卒同時邱思藏好讀宋儒
書母患足瘡三年思藏必親自傅藥鄉里以孝子目之

采訪冊

王咸亨字允元一字芑臣父慶候選州同知嘗出藏米數百石賑饑邑人載其德咸亨生五歲而孤其母鄭守節撫教之長補諸生性孝友好讀古書聞有善書未刻輒出資刻行之雖多金不惜其於爲善若飢渴之於飲食凡邑中義舉如浚城池賑饑之類皆倡爲之當事者以其事聞部議敘八品銜咸亨於諸善事旣靡不爲而意歉然嘗若有不足其施惠於人則每戒之曰若毋向他人言之也及咸亨卒後人始自言之者甚眾其事母視聽在微忽旣得疾日強起循恆節示若無甚疾者卒年僅二十五

吳德旋撰傳後

贈資政大夫弟咸章字斐成諸生樂善如其兄嘗出萬金佐修海塘創建校士館重葺文昌閣道光中年海疆變起

與父老議鄉團出費不貲及粵寇亂助餉更多議敘鹽運
司運同銜平生事母最孝母疾親嘗藥衣不解帶者數月
未享高年而卒人皆惜之

宋訪
冊

黃秉誥國子監生道光十四年大饑邑令議煮粥卹貧民
秉誥捐五百金爲之倡輸者遂雲集全活無數知縣郭滄
章以惠周桑梓旌其廬秉誥享高年卒

宋訪
冊

徐孝緯字星五有至性父早卒事母以孝聞姊吳寡而多
病孝緯日數至其家竟以天災中惡遽歿年僅三十三人

咸哀之

宋訪
冊

張和壽父早卒家貧母守志不嫁和壽既長母邁危疾到
股和藥以進病竟愈弟死撫遺孤如己子鄉人稱之同時

周清揚母病禱神割股肉入藥危疴果起又有林中高亦

以父疾割股旌

宋訪冊

鄭修鏞幼有至性母歿父老事之益虔中需厠踰悉躬自
澣洗朝夕不離側晚必歸侍寢閱十年以爲常忽一日患
痢連下數十次猶不肯歸私室力疾奉侍如平時及病革
泣謂其子昭曰今不獲事吾父矣汝能代養目乃瞑耳時
父年八十三昭遵遺訓亦能孝其祖一夕昭侍祖疾忽聞
修鏞喚其名卽起則祖已登厠矣及返牀昭獨力不能扶
呼家人共掖之始知前之登厠乃其父靈陰護之也鄉里
詫以爲奇咸豐五年修鏞以孝行旌

黃式三撰傳

孝子昭字雨

皐諸生亦以孝義稱

宋訪冊

胡濱字慶瀾國子監生工書法能詩性孝友言行謹飭尤好義舉嘗拾錢券於路坐待其至還之道光間島夷亂里人某乘變製旗糾黨潛圖不軌濱聞之開示禍福取其旗毀之餘人遂相顧而散其保衛桑梓如此卒年六十三

冊

采訪

周正祥字瑞占業賈好義舉道光十七年後海石塘爲颶風所壞田廬墳墓多被漂沒正祥慨然欲築修之與弟恆同紳士黃溥謝錚賢金思維等八十餘人請邑令呈大府發帑改建總督鍾祥以發帑須上聞斥之事遂不果二十三年秋颶風更甚眾議棄首衝地退讓數百步而外此廬舍任其沈溺正祥獨不可必欲就缺日原處改建夾層

石塘爲永遠計適總督劉韻珂閱兵至正祥與同志具狀以請總督許其開捐而輸貲者多觀望反以假公肥私訴於大吏於是人皆危之正祥志終不移會其姪和方應會試乃以鎮邑海塘利害實關甯紹兩郡告諸侍郎邵燦燦函屬浙撫梁寶常出奏請帑上命着先支浙省運庫藩庫銀七萬三千餘兩以助工費二十八年興工而委員來勘視刻減丈段謂自范家村過北其塘外尙有護沙無庸改建石塘領銀輒爲所阻知府羅鏞又意圖官築不欲紳士董其役密稟周某浮冒官帑塘工草率巡撫吳文鎔初蒞任信知府言治正祥罪賴布政使汪本銓遏其檄不行正祥憤甚赴省呈請拆驗居杭數日患疾歸卒已而巡撫

委甯紹台道同邑令畢承昭詣塘拆驗始信工料堅固所
築同於舊塘巡撫乃無異議三十年夏工竣邑人皆哀正
祥先死不得睹其成云

聽思
堂案

方亨甯字建康家貧設肆滬上業漸裕乃招祖以下昆季
咸居其肆歲終課羸纖悉與共不數年各小康性好義俠
居鄰火奮身救之火滅而頭額焦爛無怨聲鄰人感泣肆
嘗被盜與之鬪受重創怒甚訴諸官及盜獲亨甯則又以
爲失吾財而置人死不忍也卒出盜罪滬地嚮有四明公
所以瘞旅櫬亨甯復傾所有擴其屋宇爲久遠計在鄉則
周恤三郇歲凶買米食饑者以爲常晚歲議建義莊以疾
作而止後其子仁高竟成之卒年六十九由國學生候選

同知 賜孔雀翎以子道員銜累封資政大夫

葛祥熊撰傳

任松坤與子世德賈杭州咸豐十年春粵匪犯省垣被圍日久父子不忍相離城陷松坤被殺世德以身衛父亦遇

害事聞

旌恤如例

采訪冊

方亨學字簡裁家貧棄儒服賈申江業日以起性任俠屢爲人排解尤篤內行念伯姊歸舅氏子家中落請於母贍養之里中善舉多爲之倡嘉慶十九年饑以其族素寒乃購糧外郡酌戶口以與之宗師待以炊者三月二十一年又饑給錢如初他如戚友困乏乞援者亦不靳解囊推與其慷慨好施類如此

朱蘭撰傳

子仁照仁榮自有傳仁本字務

堂小壯亦遠賈滬上佐父兄創業起家後以母老歸養侍

奉彌謹與昆季常敦友愛主持家政十餘年內外皆帖然

服無遐言

按張壽榮撰傳君持政於家脩於內者多庸德見於文存

嘗奉母命脩葺

神廟嗣卹宗黨以及平道成梁捨榘施藥諸善舉皆樂爲

之

按陳勳撰傳君念母氏年高德劭膳羞餘甘兼能養及其志宗族有告匱者必給之饑者哺之寒者衣之

殿殿又奉母命行嗣卹事張傳君既仰體親心爲諸善舉意亦良慰其尤難者母年老耄三

遭寇警七處喪亾仁本際此奔馳哀痛獨能順變承旨以

博母氏憊

按張撰傳患難喪亾憂膺大故播遷甫定骨肉摧殘頓猶慈闈色養斯夕未遑不僮庶務控德

措以一身若君者可以表於世已其餘麻敘瑣屑事跡又詳聽思堂彙本務堂方先生家傳故里儂推

稱謂有榮陽鄭氏家風仁孝字性齋孝友好義同其父兄

建家廟修譜牒買田置義莊設塾開義學族中貧窮孤寡

喪葬嫁娶罔不飲助之又濬慈鎮交界西大河以通水利

按張家驥撰傳里中有西大河係慈谿鎮海交界地田萬餘畝資以灌溉歲久患淤淺同治間君出貲數千金命工疏濬咸同間與兄仁本皆屢輸軍餉有勞之

誥授中憲大夫

王應鳳家貧事母孝兄弟四人應鳳其仲也眇一目面麻口吃母欲爲之娶應鳳辭曰兒貌不颯家又無數斛粟誰以女子字我者且不娶則無子女累可力作以養親母竟不能強也旣而其叔氏與伯氏生子女六人皆相繼病歿季又贅於外家其母與二寡婦及猶子輩饔飧不給賴應鳳負販以養之母死竭力營葬諸姪男女以次婚嫁諸姪亦感其德事之如父應鳳後以高年終

孫承謨撰傳

李承輔字弼菴幼孤家貧恃其母織紝以食已而弟容以

爲傳其事是時族弟平其父亦被逮當往而平願以身代
不允勸父飲酒沈醉重賄獄吏竟行與柩同死獄中孝友
萃於一門鄉人咸稱嘆焉

乾隆志

俞敏德字謙鳴父彥華赴京聽選至高郵病故母唐氏在
家亦故時敏德甫九歲日拊棺號泣聞於邑令令爲給費
貸以夫船始得扶柩以歸及長不樂仕進於三山建永思
堂環植以竹哀慕不替有司屢以材薦以祿不逮親固辭
不就作盤溪四詠以見志號竹所先生年百五歲而卒曾
孫愷字天衛慕其祖德因號長山培竹性至孝穎敏嗜學
年十四父繫獄愷泣訴於郡守試以五藝一揮而就父遂
得免弱冠補郡諸生肄力經史操持廉潔嘗捧詔慈谿力

辭常餽縣令以聞於董學副使汪文盛加旌異焉家雖貧親友弟子有不足者輒隨力助之及當歲貢辭不就曰吾惟日對聖賢課子孫積學足矣後輩尊之咸稱長山先生敏德族子民化別有傳

乾隆志

薛嚶字伯甫一相次子伯父一卿卒無嗣嚶爲之後時甫十四歲兩弟俱幼撫之長授以室又卜築新廬平割楹礎里中賢之有以田宅質粟者復他售嚶竟折券勿問生平足不履公庭子三才三省旣貴郡縣求一見不可得學宮賓筵亦固辭不應後以長子仕終兵部尙書贈如其官

乾隆志

陳應寶字楚璠事嫡母以孝聞弱冠補邑諸生崇禎乙亥

以鄉貢授學博遘疾卒於京邸應寶性樂施與凡親族婚
葬多藉之倉卒謀緩急者不少恠人謂有孟公之風生平
著述不倦有四書約旨文選類語藏於家祀邑孝弟祠作

應璠

乾隆志

薛二浙字朝宗生平好施濟人有貸者罄貲以予背則焚
其券性孝友父年老於諸子中獨愛之飲饌多就浙謂人
曰浙愛我也兩舉邑賓縣令龔彝署印畢十臣俱旌表之

乾隆

志

范天翼字肩翰本鄭姓母朱氏甫肩翰而夫死更適陳
某某亦從其母長於范因冒范姓肩翰善讀先秦西漢文
及歷代史癖好春秋有創解困於童子試後詢母以父葬

處母不忍告眉翰痛極引刀大呼自截其髮傷左手流血
迸地自是行類佯狂及母卒眉翰哀甚以毀死年二十八

華夏
撰傳

國朝

謝秉昌字對越邑廩生涓之嫡孫泰道之長子生四月母
亡庶母撫養之及長孝庶母如親母庶母卒服衰三年兄
弟五人極友愛至老析箸賦七哀詩蓋傷父母憐兄弟也
著有西堂草邑人稱爲西堂先生

乾隆
志

謝申昌字聞于邑諸生父泰臻方伯涓次子順治庚寅爲
海寇所擄抗志不屈而死申昌號哭不休日跣足走海濱
數十里冀獲父屍時浙明不守海氛方熾常有屍浮沈沮

塗間中昌每見必嚙指滴血以驗如是數年十指血盡枯
體亦日羸瘦而父屍終不可得竟以哀毀過當甫二十九
歲而卒妻陳氏苦志守節終身無笑容親族咸憫而敬之

乾隆
志